

罪
惟
錄



罪惟錄帝紀卷之十

孝宗敬皇帝

孝宗達天明道誠純中正聖文神武至仁大德敬皇帝名
柘鐘母紀貴妃生時有風雷之異天性沉默能書法九月
壬寅皇太子即皇帝位大赦以明年為弘治元年尊皇太
后周氏為聖慈仁壽太皇太后母后王氏為皇太后冊妃
張氏為皇后上大行尊諡禮部侍郎通政使李汝省謫成
邦州內監梁芳降少監南京間任太醫各官皆削秩逮獄
僧繼曉原籍為民方士太常卿趙玉芝劉常恩等俱成邊
番僧國師法王領占竹等悉降革追奪勅印議杖發回四



川原居光相寺僧道官下部察處其收省黨吏部尚書
李裕右都御史劉敷禮部侍郎劉景等俱奪職戊申上御
西角門給事中李膺上四事有旨異議冗官及進獻各衙
門察革縣丞徐頊請追究先皇妃紀氏所以死狀上寢之
有旨下禮部皇親萬吉等官爵先辭退其金寶違禁器物
支過內府價銀並追還官呂太監懷恩於恩賜掌司禮監
事
冬十月盡罷傳陞官陞王興何喬新黎淳為戶刑工三部
尚書丙子有星變詔求直言庶吉士鄒智請進君子遠小
人因言閣臣葛安貪狡劉吉陰刻尹直奸諂薦致仕尚書

王恕王竑巡撫彭韶可任不報進士李文祥上言新政語
切直除咸寧縣丞封占城王子罕古來為王勅安南還其
侵地少師大學士萬安刑部尚書杜銘致仕清錦衣武職
追尊紀氏為皇太后上尊謚。葬大行皇帝於茂陵十一月
革內外倉場太監凡員加王恕為太子太保吏部尚書改
南兵部尚書馬文升為左都御史大學士尹直致仕侍郎
王景閔住加大學士劉吉少傅陸徐溥禮部尚書進文淵
閣以劉健為禮部侍郎兼學士並入內閣楊守陳為吏部
侍郎掌國子監事丘濬進所著大學衍義補陞禮部尚書
掌詹事府事逮問梁芳李孜省等以耿裕為南京兵部尚

書。參贊機務。十二月。復按察使閔珪。巡撫順天。議。祧懿祖廟。以德祖視周后稷。太祖視周文武。百世不遷。乃立祧廟於太廟之後。藏懿祖神主。祫祭則出之。升祔憲宗。別廟祀孝穆皇太后。曰奉慈殿。御史曹濟請削萬妃謚。號遷葬。上曰。止。勿復言。致仕兵部尚書王玄卒。謚莊肅。孝穆皇太后祔葬於茂陵。李孜省死於獄。旱災免湖廣屯糧十之六。擢南刑部員外林俊為雲南按察使。爾寇并涼。蘭華保國公朱永提督團營。掌後府事。以鄒廷讚為南京左副都御史。黃孔昭為南京工部右侍郎。

弘治元年戊申春正月。改尚書王侍於原吏部。黎淳於南

禮部。陸。臨。潼。知。縣。徐。鏞。為。淮。安。知。府。姚。安。縣。判。劉。昂。為。叙。州。知。府。毀。各。祠。廟。石。函。為。太。監。所。賚。者。禁。賜。塔。衣。鹵。入。密。雲。蘭。州。廣。寧。閏。正。月。起。參。政。鄭。時。為。副。都。御。史。巡。撫。鄭。陽。陸。強。珍。為。副。使。侍。郎。楊。守。陳。請。開。經。筵。蚤。朝。午。朝。聽。政。可。行。訪。考。穆。太。后。親。屬。取。回。各。處。抽。分。御。史。賜。太。監。懷。恩。祭。葬。祠。曰。顯。忠。江。西。賊。楊。九。隆。平。二。月。籍。田。禮。畢。宴。教。坊。承。應。或。出。狎。語。都。御。史。馬。文。升。正。色。曰。新。天。子。當。知。稼。穡。艱。難。豈。宜。此。瀆。聽。帝。斥。去。之。而。坐。二。糾。儀。御。史。下。獄。文。升。以。即。位。之。初。宜。優。容。言。官。得。釋。禁。在。京。私。囑。帖。子。擢。按。察。使。許。進。為。僉。都。御。史。巡。撫。大。同。都。御。史。屠。滌。督。兩。廣。秦。紘。督。

清運。晉世子母喪，乞廬墓，勅止之。封哈密都督。罕慎為忠順王使，未即而罕慎為土魯番所殺。三月，幸太學，釋奠先師。南吏部主事儲璫疏舉謫籍丁璣。張言、王純教毓元、李文祥等有曰：與其別求敢諫之士，無如即用已試之人。詔付吏部起用，賜齊庶人子孫名，仍令傳寫朝報。南守備太監錢能間仕。

夏四月，加贈前尚書于謙謚忠愍，祠曰旌功。復按察使楊繼宗為左僉都御史，巡撫雲南。卒於道，追復廣東左布政使陳選官。天壽山大雨雹，震驚陵寢，祭告戒中外。脩省侍讀張杲因數闕，臣劉吉十罪，且謂祈免彈射，昏夜欺門，尤

宜謹行。言官魏璋等阿吉、交章論罪。昇坐左遷。御史陳嵩
請復昇官。不報。定贈繼母例。嘉興百戶陳輔劫庫放囚殺
吏民。且為亂。命刑部侍郎彭韶巡視事。平。角犯蘭州。宣府
井肅。小王子自稱大元大可汗。近邊求貢。嚴脩之。存恤高
牆。庶人。六月。吏部尚書王恕請暫罷寒暑。經廷被劾。辭任
不許。詔錄。章綸原疏付史。宦。南給事中。方何等。御史黎昇
等劾大學士劉吉以下十九人。寧陽侯陳輔有罪。罷為民
逮。妖僧。繼曉。伏誅。
秋七月。封皇后父張懋壽寧伯。南僉都御史高明卒。贊善
張元禎疏。聖志聖孝聖智三事。禁。雲。南。太。監。進。貢。兵。部。尚。

書陸容奏罷營求都指揮二人。遂請武職薦舉如例。停名。
處採辦貢獻。八月、鹵犯獨石、馬營等處。九月、鹵請報使通。
和不許。乞比例陞職。許之。勘事提入後。給精微批。
冬十月、以旱災免河南等府稅糧。尚書周洪謨、少詹程敏。
政庶子王臣、咸被劾致仕。洪謨卒。謚文安。代王獻海、青書。
諭却之。勅東昌、兗州、濟南三府還。魯府種羊勿餉。賑湖廣。
召南兵部尚書耿裕於禮部。十一月、陝西回彝及兩廣流。
賊平。十二月、贈建昌死事知縣莊英為通判。有是每歲旌。
節孝不以數。

弘治二年己酉春二月、太子太保兵部尚書余子俊卒。贈

太保謚肅敏。改馮文昇代之。謫御史陽。蘇壽州知州。後與
御史劉綰並戍河西。謫廢吉士。鄒智為廣東石城縣吏。目
李文祥為驛丞。先是。鄒概慷慨嘗微論朝政。意在激清。內
閣劉吉追恨鄒智君子。小人疏。囑御史劉璋誣劾鄒概智
文祥等下獄。即訊不為屈。強坐妖言惑衆律。大辟大理寺。
評事夏鍬。吏部尚書王恕。次第疏放。得改謫。帝頗事齋醮。
言官韓鼎疏諫。并請設妃嬪以廣儲嗣。呂兩廣都御史屠
滂掌都察院事。以秦紘代滂。三月免。相湖廣四川鹽法都
御史彭韶上灶戶疾苦圖。係以詩留覽。罷江西福建巡撫
官。

夏四月、免王恕午朝及風雨蚤朝、致仕吏部尚書李秉卒、
贈太子太保、六月、函入遼東宣府、大同等處、草錦衣衛傳
奉等官

秋七月、免南京各衛屯糧之半、詔三科舉人不許復試、下
第舉人林潤陳請再寬一科許之、踰年地此例、田州知府
孔鏞、招平峒獠

冬十月、吏部侍郎楊守陳卒、謚文懿、哈密襲牙蘭、走之以
罕慎、弟卷克字刺襲都督同知、仍給金印、山西妖賊王良
伏誅、十一月、賑順天饑、擢蕪州太守、侶鐘為大理寺少卿、
阿里黑麻王由海道進獅子、却之、天地壇齋宮、祭服庫火

令州縣選民壯

弘治三年庚戌春正月壽寧伯樂進封侯太監蔣珠有罪

奉勅三法司及侍郎御史十餘人停俸降調有差琮視事

如故烏斯藏定三年一貢二月免租直隸河南開封兩廣總督秦

紘再勅安遠侯柳景景又勅紘革景職建賊紘致仕三月

致仕大學士劉珏卒謚文和

夏四月改刑部侍郎彭韶於吏部函入宣府大同以韓文

為副都御史巡撫寧夏土官岑欽攻逆田州知府岑溥總

督秦紘以兵歸溥

秋七月河決原武命戶部侍郎白昂治之皇親紀實紀旺

以詐冒遣成廢武邑王聰誅為庶人占城國王罕古來得
入國奏謝并以所餽勞苦都御史屠濬濬以歸朝廷上因
予濬曰臣臺長也而受外國金何以率下卒不受八月立
孝穆皇太后祠於廣西閏九月禁藩府請四授宋儒朱熹
九世孫貞婺源訓導

冬十一月以彗星見停諸工作撤江西燒造內官鄖陽巡
撫戴珊勦蜀盜野王剛平之

和治四年辛亥春正月以脩省免上元節假郊免慶賀宴
小王子來貢戶部尚書李敏疾歸卒二月右都御史屠濬
疾歸盡驅番僧止僧一百八十二人討陵水縣黎賊敗之

南禮部尚書黎淳致仕。葉明。明語。

夏四月、禮部尚書耿裕侍郎倪岳坐失火下獄。以丘濬代

裕。者賊入河州。五月、追謚吳雲忠節。南祭酒謝鐸致仕。

秋七月、角入井肅白石崖等處。八月、以水災暫停江南織

造。土魯番入貢。以哈密城全印來歸。刑部尚書何喬新素

與閣臣忤。去不協。去。族御史鄒魯誣訐喬新。私所親魏紳疏

陞大理。逮獄。訊無實。喬新致仕。封皇弟五王。秦汝臣後午

朝。九月、陞彭韶刑部尚書。皇長子厚始生。是為武宗皇帝。

彰平盜流入安溪。擊平之。大學士劉吉罷。

冬十月、改封興王於安陸州。陞劉璋南禮部尚書。禮部尚

書丘濬入文淵閣辦事。黃河溢，賑沿河被災者。鹵寇并肅，任牧古北口。八寨洞賊韋棨等攻劫賓州，擢吏部左侍郎。張悅為南兵部尚書。十一月，代府寧化王鍾炳。晉府慶成王長子奇清皆以罪革爵。廣東賊平。十二月，貴州苗七富架作亂，掠都勻。清平等處南渭王長子應鑑有罪，廢徙鳳陽。掌錦衣衛事都指揮使朱驥卒。驥性寬厚，初故人真惠者偽為書惑衆，多株連。驥但坐首事，悉復。潛滅傷，示諸書。馮治數百人起秦紘南戶部尚書。皇太后推恩，凡王孫瑞安伯、弟清崇善伯、濬安仁伯、源尋進為侯。

弘治五年壬子春正月，遼府鎮國將軍思鑑有罪，廢徙鳳

陽代府輔國將軍或旣有罪廢為庶人福建賊温文進伏
誅王陝已為忠順王填哈密三月冊立皇長子為皇太子
大赦討廣西徭賊副總兵馬俊參議馬鉉戰死贈鉉參政
兩廣會兵討之賊流劫瀘水縣囚犯甘肅宣大禁永平等

府開鑛

夏四月大學士上濬以災異迭見疏請端身以知本清心
以應務禁私謁以肅如政明禮義以絕神仙節經費勿至
於耗國公任用勿至於偏聽上嘉納之詔錄開國功臣之
失所者開平曾孫常後寧河玄孫聯炳岐俱授南京錦衣

衛指揮使給事中吳士偉奏景泰中以誠意伯之裔典顏

益並為五經博士。不合例。改其九世孫瑜。處州衛指揮使。
六月。從大學士瀋議。建重樓。藏寶訓實錄。併諸書籍。內麻
光祿寺供應。自白糧外。俱停解。收直置辦。入宣府及古
北口。
秋七月。錄會子額榆遺派。八月。改監課中憲。併於運司。
後。納額課解部。貯太倉。備邊。壽寧侯張鑑卒。子鶴齡襲封。
冬十二月。廢荆王。見瀟為庶人。
弘治六年癸丑春正月。南入宣府。戰敗於龍門。免山東監
課。大討寨二千五百餘員。二月。擢浙江布政使劉大夏為
副都御史。治張秋決河。三月。免大學士徐溥。早朝。頌武經七

書於武學及應襲舍人科臣吳世中請卹避國古孝孺等事格
夏四月、速壇阿黑麻襲執哈密陟巴、據其城降、勅責問太
醫院判劉文泰、初吏部尚書王恕作傳、頗彰先帝之失、下
文泰獄、詞連閣臣止濟、降文泰御醫、濟免究、燬所作玉大
司馬傳、恕請致仕、許之、五月、禦南寧夏、失利、久旱、備省
求直言、閏五月、免奄天等處秋糧禁、勲戚奏乞莊田、六月、
趙府湯陰王見準敗倫、誅之、陞倪岳刑部尚書、兩廣賊平、
秋七月、石屠瀟掌都察院事、刑部尚書彭韶致仕、尋卒、謚
憲安、八月、旌土官妻守節者、荆廣人見滿不軌、勒自盡、推
都梁王祐、櫛襲封、復戶部官、營鈔關、商人密雲

冬十月免造明年煙火。止番僧領古竹入京。檢討徐波等

九人不願就王府官。噪吏部。黜為民。西安知府嚴永濬疏

諫。裝織練絨。悉停之。爾犯大同。十二月。擢儒士潘辰為翰

林待詔。旌表五世同居四人。六世同居二人。八世同居一

人。五世為密雲民李瑛。合肥民鄭元。陝西千戶朱夏。陵州

人。民徐梁。六世為靈州壽官李需。慶遠民黃鐘。天世奉州

題曰義門。弘治七年甲寅春正月。河南水旱。免稅加等。爾再入拜州。

三月。貴州苗平。

夏四月。韓府儀賓文顯宗私通宮妾。律斬。郡主以翁姑老。

請代。秋。有閒任。廣西賊首黃鑑。臣就擒。貴州苗賊長脚等。

伏誅。五月，旌代布靈丘王長子成敏孝行，下山東按察使
楊茂元獄。茂元請以治河專任劉大夏，不宜復以太監李
興和、江伯陳銳分其事。措且請戒飭后戚防禦邊患。坐妖
言律，科道官交章論救，得謫降長沙府同知。
秋七月，土魯雀求貢，令哈密之衆暫居井州，授以官。曰：回
回曰禿九兒，曰哈刺瓜。八月，戶部員外牛通管倉庫貧，悉
代者余完抵逐之，且汚以醜語，完憤，自經。通坐戍四川衛。
冬十月，苗賊入靖州，焚掠，殺百戶一人，入山丹衛。及宣
大并肅，十一月，以經畧哈密侍郎張海都督僉事侯謙無
成功，下獄。閉嘉峪關，與土魯番絕。都御史大夏提河工，五

旬而事竣

弘治八年乙卯春正月、破鹵涼州、二月、少保大學士丘濬
卒、贈太傅、謚文莊、禮部侍郎兼侍讀學士李東陽、詹事兼
侍讀學士謝遷、並入內閣、三衛連寇密雲、詰責之、三月、革
鄭府涇陽王見爵、賜朝鮮國王李英謚曰康靖、封李懽
為國王、己亥、太皇太后病平、以帝誠孝感格、特頒誥諭、
夏四月、封皇后弟張延齡、建昌伯、陝西妖僧據山中、為逆、
馮文昇曰、毋動衆、巡撫張敷華罷了此、未幾、敷華果以計
授山中父老縛妖僧、捷至、五月、鹵節入宣府、遼東及密雲
延綏大同等處、別部款肅州、大學士徐溥等請昧爽視朝、

納之。

秋七月、追封宋儒楊時、將樂伯、從祀孔子廟。特允襲封孟氏博士。八月、復設山東勸農叅政。

冬十月、以都御史鄧廷瓚為兩廣總督。安南數侵占城、占城請與師問罪。上欲馳詰安南、閣臣徐溥等疏云、海島茫茫、徒掉寸舌、小必掩過飾非、大或執迷抗命。若置而不問、損威已多。若果問罪與師、貽患尤大。議遂止。十一月、禮部尚書倪岳以地震、日食等災異、條脩省三十三事行之。晉府寧化土鍾、炳有罪、廢為庶人。發高墻、免雲南逋課。十二月中、官傳旨命閣臣撰三清樂章。徐溥等謂文淵閣所職

謀議政事。講經論史。培養本原。弼正得失。諛悅非所尚也。
上然此之。自數入遼東。義州宣府。流賊被桂陽縣。轉掠江
西會昌府。時天鼓鳴。五省地震。太監李廣梁鵬引用劉良
輔等。以左道惑亂帝心。齋醮燒煉。靡濫大度。差遣四出。吞
噬橫行。士大夫賄賂乞哀。言官瞻顧塞責。戶部主事燿玉
因災異極言之。且曰。西北旱暵。父子相食。東南饑疫。骨肉
流離。其變非小。報聞。大學士徐溥疏曰。人君之心。必有所
繫。不於此。即於彼。今每歲經筵。不過數日。於是異端惑世
之說。進以致災惑失度。太陽無光。天鳴地震。草妖木異。奏
報無虛。日伏乞嚴察。朝之節。後奏事之規。勤講學之功。後

接下之禮。遠邪佞之人。亦誣罔之說。上嘉納之。以都御史屠滂奏。寢麻峪小銀驢。弘治九年丙辰春正月。吏部尚書耿裕卒。科道所拾遺十人俱留用。河南巡撫徐恪以傳陞辭任。不久二月。改左都御史屠滂於吏部。保國公朱永卒。子暉襲。俾世戾。皇第二子。李煒薨。追封蔚王。三月。鹵數入宣大及黃花鎮。再入薊州。閏三月。命皇太子文華殿受朝。何黑麻復襲哈密。夏四月。妖僧張金峯伏誅。金峯以藥餌符水聚衆終南山。且為亂。捕誅之。陞吏部侍郎周經為戶部尚書。改禮部尚書倪岳為南吏部。加太子少保。五月。許北鹵。定以千人入

貞致仕大學士尹直上皇太子承華箴以其獻諛却之武
岡知州劉遜以忤岷王下錦衣獄言官龐判劉紳率同列
論救并逮繫御史張淳不得與之上疏中救大學士徐溥
等謂言官弗罪上從之

秋七月哈密復國桂陽賊平

冬十月鹵入陝西宣大寧夏却之十二月賜薛瑄祠曰正
學祀伏羌伯毛忠於甘州額曰武勇刑部典史除珪請革
東廠發為民

弘治十年丁巳春正月奉御張瑄獻閩地為東宮莊田下
獄治罪福建流賊奴雪都五縣三月鹵數入井闕內官何

昂言事下獄言官論赦上經筵畢召閣臣徐溥等面議章
奏批發湖廣左布政使兼廣東按察副使撫治兩廣地方
陶魯平

夏四月南吏部尚書莊景閻任科臣葉紳言奏劾太監李
廣八大罪五月翰林檢討范兆吉因災異陳言加涉宮闈
下獄贖杖還官鹵寇潮河川指揮劉欽等二十七人戰死
大同禦鹵敗績戶部侍郎劉大夏經理北邊糧草榜告報
法邊足各省天鳴地震詔求直言刑部主事鄭岳以陳言
下獄戶部侍郎許進疏救始獲赦
秋七月南工部尚書侯瓚致仕八月改兩廣都御史鄧廷

贛總漕九月、鹵數入陝西及宣府、肅州、葭、浪、尋入蘭州、賑
山東蝗疫。

冬十月、錄于謙從孫允忠為杭州副千戶、世襲、起致仕左
都御史王越、總井涼各邊軍務、贈前少保王文、太保、謚毅
愍、十一月、南禮部尚書童軒致仕、晉府慶成王鍾鏐薨、王
子女百人、公會至不能相識、黑阿麻歸陝、乞通貢、進貢
太監奏管開主事盛應期、范璋阻滯、坐降驛丞、治兩廣官
軍殺良民報功者、之土官陞賞之例、祠祭司郎中馮雲鳳
以駕後乘馬降陝州、知州復萬貴妃姪喜為千戶等官、敗
鹵赤斤衛。

弘治十一年戊午春正月苗賊犯靖州二月許小王子二千人入貢三月皇太子出閣講書鹵數入肅州遼東宣府莊浪再入宣府寧夏

夏四月江西宗室與藩臬許奏上親鞫平之五月旌晉府鎮國將軍鍾銘鍾鈇孝行六月額通政司叩頭奏七事唯五月至七月減二事總督越破角賀蘭山後加少保

秋七月大學士徐溥致仕尋卒贈太師謚文穆鹵入遼東都指揮王臣戰死

冬十月南戶部尚書秦紘戶部侍郎劉大夏俱致仕甲戌清寧宮災免朝先是有能入城尚書馬文升謂宜防盜節

甲何孟春謂宜防火。自後禮部燬宮中屢火。太監李廣自
殺。金星晝見。免明年上元烟火。閏十一月。各官奏本差一
二字。免勅各處稅課。俱不許王府陳乞。停鹽齋。御史吳獻
奏。劾太監韋春。皇親張廷齡。坐失實。謫外縣。至十二月。總
制三邊少保都御史王越卒。贈太傅。謚襄敏。冊安南世子
黎暉為王。擢陝西提學副使楊一清為太常少卿。薊州巡
撫洪鍾請鑿潮河渠。立外關。行之。鹵寇遼東。都指揮劉剛
戰死。

弘治十二年己未春正月。監生江瑄以排斥閣臣下獄。尋
釋之。敗鹵及朶顏於遼東。以兵部尚書馮文升議。後送前

忠順。玉陝巴八哈密。二月會試未曉。給事中華果林廷玉
劾副主考禮部尚書程敏政鬻題舉子徐經。詔下果獄。既
曉。同考給事中復疏敏政可疑六事。併逮敏政廷翰。經詞
伏。并連南畿解首唐寅。問點舉子十餘人。經寅咸充吏坐
程賄不真。謫果太僕寺典簿。廷玉海州判。敏政致仕。三月。
鹵連入遼東大同永平。京敗虜於宣府。
夏四月。古田猛獐作亂。致仕禮部主事楊循吉請復建文。
君。躬跡不果行。察光祿寺器皿入內者。加數發。出湖廣賊
首江欽。燕瑛等伏誅。以水災免江北子粒。都勻殘賊作亂。
秋七月。鹵入井州。遼東宣府寧夏。八月。副都御史顧佐覈

三樹藝人所訴邊臣誘殺事。切責總旗官。尚書鄭時平起謝鐸。禮部侍郎掌國子監事。九月改南兵部侍郎張敷華右都御史。總漕。寧府石城王宸。浮輔國將軍宸濠有罪。降為庶人。重建清寧殿成。延灌頂國師那卜堅。參等設壇慶讚。大學士劉復等力諫。既而府部科道亦言之不荅。冬十月。以上虞人張津知兵。出兩廣。參謀軍事。十一月。廣西流賊入湖廣。竇慶長河界。酋入遼東。大同涼州。上高王宸濠。嗣封寧王。十二月。諸大臣請革冗官。不報。弘治十三年庚申春正月。陞死事布政使陶魯子荆民為副千戶。世襲。二月。戶部侍郎許進。勘河間貴戚莊田還之。

民歸養檢討陳憲章卒。脩朱儒兩程子墳祠。給田五十畝。
犗賊劫平樂府。殺推官吳景暉。

夏四月、鹵入大同。官軍敗績。五月、上建御平臺。工刑二部
尚書徐貫、白昂、成致仕。加太子太傅。戶禮二部尚書周經、
徐瓊致仕。加太子太保。吏部尚書屠滂致仕。六月、台倪岳
為吏部尚書。戴珊為左都御史。兩廣總督左都御史鄧廷
讚卒。謚褒敏。劉大夏以右都代之。陞吏部侍郎林瀚為南
吏部尚書。鹵入遼東。

秋八月、鞏周府義寧王安淡爵廢。樂平王安泛為庶人。置
高牆。九月、破鹵宣大。鹵入馬蘭谷。復入大同。冀州殺國公。

朱熹十一世孫壘任五經博士十世孫燭發源學讀書

冬十二月停抽分御文

弘治十四年辛酉春正月鹵入冀州數入遼東以大理寺

丞陳壽為右僉都御史巡撫延綏罪延綏失事總兵陳瑛

朱瑾等益兵赴之三勝火節於河套鹵遁去壽任邊振刷

開屯採牧不數月省費二十七萬同事者諷以子弟名冊

上蒙恩壽曰吾子弟皆不諳騎馬不許實定府獻白鴨點

之南京大理寺評事夏鍤上言民困養馬困於責駒焚鹽

苦於賠課王府侵奪戕累恣睢孔道支應為艱土產貢獻

為累下所司知之

夏五月、魏各處添設官員免租
山東 西河 武岡州 苗

叛、鹵數犯遼東、起致仕僉事章懋為南祭酒、以戶部尚書

王賦、燕左都御史、討普安賊、婦來魯、鹵寇延綏、并州、宣府、

數入冀州、固原、寧夏、韋州、

秋七月、近天壽山三十里、風火延七十里、林木俱盡、連歲

王府房價、造墳銀閏七月、兵部尚書馬文升以星變請免

齋醮、上傳奉惜、濫費以鹵在河套、請撤回絨織、內臣從之

却、鹵寧夏八月、掌國子監侍郎謝暉請塞捷徑以澄國學

之源、今日納馬納粟之例、即日貧利患民之媒、并請盡

革冗員、遂革景泰以來內外鎮守、及備協、子弟兵備等

官止留曹州兵備。九月，以日食，停武當山齋醮，起秦紘，以尚書兼副都御史，代史琳總督陝西軍務。

冬十月，吏部尚書倪岳平議文毅、米魯款復叛，改兵部尚書馬文升於吏部，以兩廣總督劉大夏代文升。岐王佑橐薨，無子，國除。十一月，獎秦府泝陽王誠、泝孝、義、威、州、恭、賊作亂。

弘治十五年壬戌春正月，計察過多，上諭勿濫。三月，破擒湖廣賊首李再萬等，取回督磁內官。

夏四月，以羅欽順權署國子監司業，侯章懋服闋赴任。南入遼東偏頭、密雲、南刑部主事胡世寧言時政六事，切直。

取回番僧領占竹。贈死事貴州右布政使閻鈿副使劉福。
廣東參議劉信官。陞獎焚世子榮誠孝行。陞開城縣為固
原州。設制府督三邊。六月。送賊胡天秀等伏誅。唐王彌歸
言藩封謚號乞勘。實行獎諭之。大學士劉傑辭擬釋。巡像
讚允之。尚書劉大夏請減軍夫十之五。上命內閣傳旨切
責。劉健曰。愛惜軍夫。司馬職也。大夏蒙切責。亟辭去。更從
何處得此人。上輒如大夏請。
秋八月。致仕尚書項忠卒。九月。敗國遼東。命御史王哲巡
按江西南之任。首劾鎮臣不法數事。下勅獎諭。
冬十日。免明年元宵煙火。尚書劉大夏擬團練京營於保

定有飛語揭宮門上曰宮門豈外人可到必有不得私後
此軍者所為矣楚府輔國將軍均銘有罪賜死十一月言
官請以大學衍義進講經筵納之以水災免南直稅糧瓊
州賊符蛇蛇作亂尚書張悅卒謚莊簡命御史王哲巡按
江西哲恤民作士持權貴雪冤抑民為之謀曰江西有十
有一哲六月飛霜雪十
二月陞南京太常卿楊一清為副都御史理陝西馮政致
仕尚書何喬新卒謚文肅核天下黃冊并肅副總兵魯麟
黃求掛印不得棄官歸大同上語劉大夏恐變生大夏曰
麟貪酷失士心無能為也聽之

弘治十六年癸亥春正月孟養恩陸降歸侵地二月都御

史秦絃、燕督寧夏、築花馬池墩堡、巡視以西、林俊劾撫臣
韓初問、召還、即以俊代。

夏五月、左僉都御史樊瑩巡視雲貴、尚書劾大夏以災異
引咎求退、不許、言兵政十弊、上悉准行、令大夏揭帖言事、
大夏不敢言、此古斜封墨勅之弊所由也、帝稱善、陞吏部
左侍郎、韓文為南兵部尚書、秋、桂陽知州教毓元死、
秋七月、致仕尚書白昂卒、中王祐督薨、無子、國除、八月、察
內府積貯、遣官巡視各省、災傷、進建昌伯張延齡為度戶
部尚書、王軾督兵討普安、女酋米魯平之、
冬十月、起張元禎太常卿、燕學士、詔建壽塔於朝陽門外、

且諭武當山設像齋醮撰真人杜永祺誥命大學士劉健
等奏止十二月、爾入寧夏遼東、開沂州礦。

弘治十七年甲子春正月、御史陳茂烈陳情終養、許之、傳
福建尋取禽鳥、二月、廣東盜古三仔、唐大髻、伏誅、四川巡
撫林元甫、貴州巡撫劉洪、互任、爾入遼東、薊州、三月、太皇
太后周氏崩、詔撰尊謚、孝肅冊文未及、上下閣議、祔葬、祔
廟、禮上曰、事須師古、廟一帝一后、廢大禮、乃為朕始之
乎、遂罷尊謚、仍稱太皇太后、立廟別祭、陞樊瑩、南刑部尚

書

夏四月、討土知府岑濬、江西賊謝福、陳金、徐九齡等、伏誅。

取四南京蘇松織造內官戶部尚書侶鍾致仕六月癸亥
回賊阮叔直隸山東河南等處戰酋大同指揮鄭瑀死之
却商延綏及宣府
秋七月上屢召大臣燧閣議政事及禦寇加署隨欲出京
軍大割之兵部尚書劉大夏力諫乃止掌詹事府禮部尚
書吳寬來贈太子太保謚文定昌平賊王爾玉伏誅掌國
子監禮部尚書謝鐸致仕給事中吳舜王益值京官考以
不謹當罷挾奏吏部尚書馬文升左都御史戴珊又坐下
獄舜為民益閒住刑部主事張敷復挾奏珊亦坐黜尋上
考察疏報允以後准京官六年一考察

冬十月總督尚書秦紘致仕鹵廵入莊浪犯甘涼寧夏及
花馬池討饒平盜竊孟凱韓文為戶部尚書奸人劉山
伏誅王女兒事謂入十二月却西靈州廣西賊流寇武岡
州獎曲陽王輔國將軍奇澤賢者看詳省直試錄弁違者
參究

弘治十八年乙丑春正月帝幸對煖閣劉德等論鑄錢法
茶馬法諸弊尤以鹽法奏討為大弊詔遵舊制鹵復入靈
州韋州花馬池等處陷寧夏清水營入遼東二月却鹵延
綏及寧夏宗明縣賊施天泰降戍之戶部主事李夢陽上
言時政頗涉宮闈上不得已下獄尋手批復職不復付錄

和賜尚書劉大夏都御史戴珊各元寶一且曰朝覲時文
臣率避嫌如二卿日開門延客貨不至但勿謝怨公卿知
之未免各懷懼悔三月丙入大同寇獨召泰寧酋首欵塞
夏四月造冊內外武職官員姓名履歷按季進覽降寧所
鍾亭王覲雖父子為庶人發鳳陽甲申上不豫大漸言閣
臣劉健孝東陽謝遷就煖閣受遺命曰東宮聰明幼好逸
樂。須令讀書辛卯午刻。旋風大起。雲籠三殿。空中若有人
騎龍上昇者。上崩。堊泰陵。掩壤之際。有五色雲。見帝簡言
慎動。燕處必衣冠。曰吾不自治。誰肯治吾。願借名義論。及
後世。青史恒為悚然。即位之初。徐溥劉健在內閣。王恕入

吏部自

是名臣

並進

李東陽

謝

五

濬

耿

格

倪

岳

馬

文昇

新彭韶

楊中東周洪

許進

楊

維

宗

者

痛

秦

紘

鄧

廷

贊

謝

後揚一清

林翰吳寬

張允

楨

王

鏊

楊

天和

劉

忠

韓

文

林

刑

樊瑩熊繡

禮以隨時

為大

士

辰

頌

遠

詔

癸

巳

金

澤

氏

右

御史之命

下太監張愉

醫官

施

欽

劉

又

奏

於

獄

論

戊

戌

士

宣皇太子

即皇帝位

大赦

以

明

年

為

正

德

元

年

論曰帝業

發於光昌

矣

舉

賢

輻

輳

任

用

得

宜

燠

閭

高

不堪

法介妖淫

辟

冗

異

停

採

獻

罷

傳

陞

羊

倉

差

分種

明斷

外

尤

莫

難

於

孝

穆

孝

肅

之

別

祀

免議

于肅

賤

之

旌

功

所

謂

情

而

安

之

於

義

又

別

辟

之

所

不能望也。弁避之日萬姓哀號。豈偶然哉。若夫特外戚
遇厚。賜予頗濫。冗員尚多。中貴太盛。或移心齋醮。紛
費。許新。蓋積漸者久。未能遽革也。夫果沃有得。祿太極
西。銘諸圖。善即何難。驍龍而上。儻哉。

男
...

罪惟錄帝紀卷之十一

武宗毅皇帝

武宗承天連道英肅睿哲昭德顯功宏文思孝毅皇帝名
 原照母張皇后干支與高皇帝類帝既立宣府兩警命保
 國公朱暉掛征鹵將軍都御史史琳提督軍務太監苗達
 監之時遊擊張雄穆榮戰死禮部尚書張昇請嚴宮殿門
 禁和逐真人僧奪印追賞并減齋醮報可六月上大行
 皇帝尊謚土官岑春春作說總督兩廣潘蕃討平之贈死事
 都指揮史韜等官國入蔚州廣昌奉孝肅神主奉慈殿中孝
 穆居左



秋七月進大學士劉健左柱國太子太保同官李東陽謝

遷並少傅太子太傅起許進兵部左侍郎提督團營八月

尊皇太后王氏曰慈聖壽康太皇太后皇后張氏曰慈壽

皇太后遺詔裁革監鎔內官有旨仍舊部請減各門倉場

監局內官不報聞賊劉宗保平轉屠瀋右都御史賑延安

府飢傳陞右都督王濟為左致仕尚書秦紘卒贈少保謚

襄毅起周經南戶部尚書哈密王陟已卒立其子拜牙為

忠順王兵部請汰乞陞大漢將軍千百戶韓福敬等不允

冬十月榆林軍袁綬言十九事其一勵官初破酋大同改

遣太常卿祭靈濟宮太監韋興太和小司香仍分守行都

司地方南京刑部尚書樊登致仕以張敦華填之齒入太原回原等處建土里莊七所十二月左都御史戴珊卒贈

太子太保謚恭簡

正德元年丙寅春正月大學士李東陽以隨駕所增非名

光祿寺傳餐日加濫錫予疏諫報聞榮王乞霸州莊不

許改南刑部尚書張敦華為左都御史編脩何塘乞勅知

官罰且隨手纂述以慎言動更易各處鎮守內臣以熊繡

為都御史總督兩廣傳旨陝西巡撫車寔令致仕陞楊一

清巡撫陝西總西邊軍務二月開經筵大學士劉健等極

諫時政自劾知一再求去不許劉宇右都御史總宣

大軍務、工行籍田禮、停止買辦、三月、視太學、錄置大禦、

功、

夏四月、上始徵行、吏部尚書馬文升為南御史、何天衢所
論劾、致仕、府部官張懋等上書諫、賜射、有曰、陛下釋諸拱
之安、犯乘堂之險、何以慰薄海臣民之望、姑納之、傳旨增
太監分坐京營、戶部右侍郎陳清、御史朱廷聲乞如即任
初、詔行不聽、南兵部尚書王軾致仕、陞吏部右侍郎焦芳
本部尚書、特授、故衍聖公弘泰子、聞詩翰林博士、刑科給
事中、湯禮、數言、羣臣所論、非、雖、賜、俞、允、未、見、克、謹、消、弭、之
寔、報、聞、南、兵、科、給、事、中、牧、相、十三道御史陸崑等上疏、朝

體。紛。更。政。出。多。門。有。未。經。關。擬。竟。從。中。斷。有。雖。經。擬。進。旋。
即。改。行。因。事。建。明。未。蒙。俞。答。惟。陛。下。留。意。報。聞。五。月。起。洪。
鍾。都。御。史。繼。清。給。事。中。許。誥。以。父。進。改。翰。林。檢。討。兵。部。尚。
書。劉。大。夏。致。仕。以。許。進。代。之。臧。松。蘇。織。造。之。半。戒。科。道。官。
毋。得。挾。私。舉。劾。六。月。刑。授。孔。子。裔。孫。主。鬻。祀。彥。繩。五。經。博。
士。閣。臣。劉。健。同。九。卿。諸。臣。以。風。雷。異。變。切。諫。時。獎。溫。旨。引。
過。健。摘。其。要。五。事。揭。省。座。鞫。局。一。單。騎。輕。出。官。禁。三。頻。率。監。
五。曲。納。內。侍。崇。明。海。賊。施。天。常。平。所。獻。飲。食。三。決。舟。海。子。四。鷹。犬。拜。射。
秋。七。月。都。給。事。中。張。文。給。事。中。倪。謙。劉。澐。薛。金。陳。五。事。詞。
多。觸。忤。且。言。官。俸。添。設。非。明。詔。上。曰。內。臣。鎮。守。故。事。已。文。

等其自劾。文執奏如初。坐不敬。罰俸。加林俊副都御史。巡撫江西。八月。冊夏氏為皇后。沈氏。德妃。吳氏。賢妃。朝昇。大學士。健等。屢諫。報聞。九月。御經筵。織造太監。崔果。王瓚。乞長蘆。鹽引。却科執奏不聽。與十之五。前尚書。致仕。王恕。謝存問。弟及時政。不報。罷內宦。抽運木植。五官監。候楊源。以中星動。搖。踰。諫。請。死。河。南。南。京。國。子。監。祭。酒。章。懋。上。疏。乞。休。不待報歸。

冬十月。惠潮賊陳錦。平。太監。劉瑾等八人。用事。閣部諸臣。方聯章會劾。上命瑾掌司禮監。兼提督團營。上取提督東廠。谷大用。提督西廠。收太監王岳。李榮。范亨。徐智。詔獄。充。

爭軍兵事被殺於臨清。大學士劉健謝遷並致仕。唯李東陽不獲所請。刑科給事中呂紳疏留健遷下。詔獄吏部尚書焦芳。兼文淵閣大學士。尋加太子太保。改護身殿。芳性險悞。黨倭為奸。凡變紊成憲。桎梏臣工。杜塞言路。酷虐軍民。皆芳主之。侍郎王鏊。兼學士。辦閣事。改許進吏部尚書。分遣內臣守備南京等處。及各營兵馬。戶科給事中劉滢。極陳時政下。詔獄。十一月。南科道官戴銑。薄彥暉等二十二人。奏留大學士。謝遷。因及時政。謂狎比。傷幸。輕顧命。臣上怒。咸詔獄。廷杖。黜為民罷。戶部尚書韓文。以失覺贖金。戶科給事中徐昂。論救坐。除名。文子高唐。知州。士聽刑部。

主事士奇、並罷為民。南戶部尚書秦民悅致仕。兩廣總督
熊繡轉南右都御史、尋勒歸。十二月、陞陳金兩廣都御史。
戶部主事蘓時秀忤、監瑾謫外通判。戶部侍郎碩佐陞本
部尚書、加大學士。東陽少師、晉華蓋殿、封太皇太后弟王
濟安仁伯。兵部主事王守仁、御史陳琳疏救戴銑等、詔獄
杖、謫邊方。景皇后王氏薨、合葬。鞏、朝、致、祭、副都御史林俊
致仕。吏部左侍郎張元植卒。時隕星、豈見雷震、郊壇地震。
各處工科給事中陶諧請增修德政。屏侍從遊宴。以四
變詎獄。杖成之。勒工部尚書兼大理卿楊守隨左都御史
張敦華致仕。自丙寅歲旌節。孝不以數。改中書李憲給事。

中、中書預科道之選始此

正德二年丁卯春正月朔以日食不御殿免賀視門雍王
祐標薨無子國除捕諸野味於井肅傳旨戶部員外李夢
陽降山西布政使經歷兵部主事王綸降順德府推官俱
致仕廣東賊襲殺韶州府同知韓銑添各閩陞示傑內官
南兵部尚書林翰聞捷遷去位革奏對客嘆息應天府尹
陸圻傳示京師奏稿咸降三級致仕南副都御史陳壽疏
救瀚珩除名工部尚書曹鑑孜仕少詹楊廷和署舊事嘗
誥勅陞李燧工部尚書鎮國將軍誠激以廣長子再傳得
廢封秦王禮部刑部尚書張昇閔廷咸致仕尚寶卿崔瞻

副使姚祥、工部郎中張瑋督報郎中劉綵以乘轎被緝，俾荷校。諸門請戍。二月，閣臣疏請蚤朝，報聞。大裁內外添設官百十八人，工部郎中錢仁夫得請致仕。長安人牲私賀。江西巡按御史王良臣疏救戴銳等，詔獄杖為民。御史王時中忤內監立聚，詔獄杖荷校一月，謫戍。勦賀縣賊，破之。三月，給事中吉時直登聞鼓，不受訴，其人自殘。杖時降府知事，裁各處通判等官四百四十，有五加恩外戚。劉世襲封后父都督同知，憂。儒慶陽伯妃父錦衣千戶沈傳吳諫，指揮食事，給傳諫莊田六千五百餘頃。山東禁酷，致有縊死者，勒巡撫都御史朱欽致仕。總督都御使楊一清致仕。陸

西番領占竹為灌頂大國師麻的實里塔西麻穆耶那卜
堅參及普肖藏卜為國師於大內建寺誦經陞諸僧官於
大功德寺太監瑾嬖旨令文武群臣列大學士劉健謝遷
尚書楊文等五十六人罪投鴻臚寺宣讀榜其名於朝堂
名曰奸黨頒示天下詔曰朕以幼冲嗣位惟賴廷臣輔弼
不逮乃去歲奸臣王岳范亨徐智等竊弄威福顛倒是非
私與閣臣劉健謝遷尚書楊文楊守隨張敷華林瀚郎中
李夢陽主事王守仁檢討劉瑞給事中徐昂御史陳琳等
彼此交通穿鑿附會傷殘善類煽動浮言為禍國家勅內
未盡者吏部察令致仕毋俟惡稔鎮守太監許理里民詞

訟自內旨師宗州士民阿本作歌

夏四月却爾大同兵部尚書闊仲宇致仕起吏部尚書屠
瀆掌都察院事轉左都劉宇為兵尚書燕團營五月度天
下僧道四萬人御史馮允中出刷卷復命枉道杖為民順
天府丞周璽以文移抗錦衣衛坐獄死傳旨兵部主事謝
迪致仕陞南侍郎楊廷和劉忠為戶禮兩部尚書改總漕
都御史洪鍾於南察院以副都王璉代之復寧王護衛六
月故侍郎郝志義子序請其父祭塋下獄刑部主事李璋
許承芳僅掇不應坐杖謫外爾入寧夏廣東流賊入江西
養病御史高胤先坐借官車杖為民

秋七月、歲免脩邊費、輸內庫、通鑑纂要成、以字訛奪侍郎
學士劉機以下俸餘致仕、為民者二十餘人、李東陽等免
究、巡閱御史王渙失報盜情杖為民、勘畿內魏家店莊田
不稱旨、所遣都御史柳應辰等十餘人咸詔獄、再勘破賊
阿本擒其首張華、點編修謝丕為民、丕邊之子、爾入荏浪
八月壬戌朔、黃河清、慶雲見、翼軫分、辛巳、廿廟生於安陸
州、改洪鍾南刑部尚書、上、曠、豹、房、萬、機、孟、委、瑾、呂、南、戶、部
尚書楊廷和為文淵閣大學士、起楊一清、總制三邊、方輿
築河套、遺墻、當寧夏、花馬池要害、工未半、忤、瑾、逮、獄、工廢
九月、吏部尚書王華、禮部尚書李傑、江西督學蔡清皆致

仕以梁儲為吏部尚書。嘗誥勅以錦衣于永善。陰遣秘戲
擢都指揮同知。自內旨陞太監谷大用。史奉張永父友。俱
錦衣衛指揮使。其贈死者如之。
冬十月。樊寧王宸濠。孝行。增祿米二千石。逮遼東前後撫
督張騁。高伸。錫鄧璋。王宗。葵。劉大夏。以下治罪。罰米有差。
以南京巡撫艾璞。巡按魯大有。勘魏國公徐備。無錫莊田
不合。杖誦為民。授孔氏裔孫一學錄。主尼山洙泗兩書院。
一博士。主子思廟。都御史張叅致仕。御史鄆陽勘。徽府莊
田忤。瑾。詔獄降主簿。十二月。寧夏巡撫都御史藍章。以山
險請乘肩輿降。通判許王府。無嗣者。皆得代襲。自入定。遼

後衛犯涼州草順天府丞趙橫為民吏部左侍郎兼翰林院學士張元禎卒

正德三年戊辰春正月逮致仕李夢陽詔獄時脩撰康海與監理同里不附瑾勉為夢陽勸瑾釋之附批學士吳儼令致仕養病御史楊南金吳學生違限黜為民戶部侍郎王儼釋獄致仕二月刑部尚書屠敷及南刑部員外劉演咸致仕大增外省解額三月贈劉瑾父榮都督同知母劉氏一品夫人勸養病違期進士陳璋等致仕焦芳以子黃中不得大魁改考試官編脩顧清等為部屬黃中係二甲第一超為檢討劉宇子仁等六七人俱廢吉士未幾黃中

仁權編修上悅樂官臧賢請增造御樂庫房許之行人劉
贊復命愆期降縣丞
夏四月開武職納銀補官贖罪例御史黃時中荷校請戍
南司業羅欽順送親違限革為民罰致仕尚書楊守隨未
一千石開武舉宴於中府哈密使臣寫亦希仙入貢有寵
從遊幸五月寧王宸濠請入朝止之給事中安奎張或潘
希曾御史陳玉焯朱袞劉子屬等皆以叅奏忤旨詔獄荷
校為民調戶部侍郎王瓊於南京六月都給事中許天錫
忤瑾慮禍自縊死內旨許韓邦問尚書致仕以草塲失火
逮南刑部侍郎劉憲卒於獄致仕尚書韓文述獄罰米一

千石以訊獄忤瑾勒都御史周季麟副使何琛陳恪知府
劉麟等為民御史姚壽等降外以兢渡龍船為犯法籍其
家河南太監廖堂奏陞同知等官不許勒山西巡撫都御
史徐節致仕罰米三百石以御道投匿名文書詔群臣罰
跪曝死者三人亟送鎮撫司大學士東陽疏釋之致仕尚
書王恕致仕左都御史張敷華並卒恕謚端毅
秋七月諭慶成宴始用雜戲陞操江都御史雍奉為南戶
部尚書越四日內批致仕八月屢敗鹵宣大流賊趙實起
曹州杖巡鹽御史王潤以督價遲緩革職吏部尚書許進
致仕以劉宇代之立內厰劉瑾自領之加楊廷和少保兼

太子太保戶部尚書積佐致仕。追罰尚書韓文米一千石。
九月，奪致仕尚書馬文升劉大夏許進雍泰原官。及薦雍
泰者給事中趙士賢御史張津俱為民。餘科通罰未者五
六十人。進子誥讚輸贖。調外籍前通政使強珍子汝學家。
汝學與其弟汝忠坐斬。陞吏部郎中張綵為左僉都御史。
勒致仕南尚書樊榮都御史高銓為民。漕運總督張縉草
職逮劉大夏潘蕃總兵毛銳。詔獄大夏蕃請戍銳革職。
冬十月，禮部尚書周經致仕。勅南戶部尚書林藩致仕。張
泰陞戶部尚書。致仕復娶源縣朱熹裔孫。後十一月，察
勘遼東倉庫。罰前復養病禮部侍郎謝鐸。令致仕。給事中

周鑰自劾桃源舟中未殊鑰初請貸淮安知府趙俊千金賂理許而不與至是創甚不能言授筆曰俊誤我事聞捕俊治罪工部尚書李燧致仕陞吳文度南侍郎王新南工部尚書孟勒致仕前尚書為民樊瑩卒十二月改南刑部尚書洪鍾於工部旋改刑部毀南戶部監引銅牌改隸工部以陸完為會都御史巡撫宣府

正德四年己巳春正月憲廟廢后吳氏薨瑾欲火之東陽釐力請以英廟惠妃例葬祭刑部尚書王鑑之致仕勒南右通政程文致仕改南吏部侍郎王瓊於南戶部坐前都御史錢鉞擅更王府祿未籍其家妻子皆給配命科道官

概察省直錢糧時朝覲官賂瑾額至二萬兩復任每取償
官庫張綵教瑾即察官庫於是益斂民財補庫天下騷動
御史歐陽雲給事中吳儀以不得納賄坐黜為民二月賜
劉瑾地作公明宮益徙民墳斥之勒故大學士劉健謝遷
為民著令餘姚人毋官京師刑部吏董選之許郎中周
孫等擅易賦貨滌等除名授選之本部司務盜王紹
吉等伏誅陞黃寶巡撫陝西領勅責賂三月南安流
賊執同知某殺官兵自入宣大延綏甲辰御經筵下
致仕延綏巡撫王嵩於獄坐養盜籍其家謫戍禁百
官有劾天都鎮守太監羅嵩請便宜行事閣臣東

陽執奏且云許之勢必無從責成議慶
夏四月、陞王鴻儒為祭酒、才寬以左都御史總三
邊、前禮部侍郎黃景為鄉人告許、述獄成邊、延
綏巡撫新任劉孟以赴任、踰限下獄、鹵數寇大同、
大學士王鏊致仕、五月、大徵樂戶、核邊倉、前鎮撫
楊一清以下三十九人罰米、各有差起、副使蔡清
為國子祭酒、清先卒、南工部尚書韓重自陳免、前
都御史馬中錫等坐馬草浥爛、削為民、御史胡節
以歛銀餽理、事發、戍肅州、六月內、批李貢巡撫遼東、
尋致仕、追罰前尚書樊瑩、彭韶等、未各五百名

史部尚書劉宇、燕文淵、閣大學士、侍郎張絳為
吏部尚書。絳為芳所薦，嘗婉勸瑾毋納賄。又言左
右用事多壞法，有所救正，瑾頗然之。賊汪澄二叛，
樂平執知縣汪和去。

秋七月，四川保寧賊劉烈轉掠漢中，其黨藍廷瑞、
鄒本、恕、廖、惠等眾至十餘萬，掠湖廣、鄖陽等處。
定親王府旁支襲封，止給祿米。八月，酋入宣麻，添
鑄靖鹵將軍印，給巡緝總兵官。柳州知府劉璉為
賊所執，病死。陸國師晉肖藏，下等為法。王及諸左
覺義左正一柏尚寬等為真人，自內旨改翰林院。

官額九月左都御史屠滂致仕以陳金代之齒入延
緩總督才寬以提聞商尋深入殺寬不利去

冬十月廣東僉事吳廷舉劾岷府公差之罪十一
月以按察使王雲鳳為國子祭酒閩武西內義子
朱鐸朱寧等十五人註錦衣衛千戶等官以刑部
尚書洪鏞兼左都御史晉院事十二月南禮部尚
書孫需致仕改吏部尚書梁儲於南吏部右布政
沈林東驛勒為民總漕平江伯陳熊成南海定內
外鎮守蒼廡地土四川盜起林俊都御史巡撫四
川追奪大學士劉健謝遷劉大夏韓文許進等誥

命連及者六百七十五人。選積通樂藝八百戶於樂院。賑蕪松水災。

正德五年庚午春正月，刑部尚書洪鍾督勦四川流賊捷聞。山東巡撫而下坐脩孔廟不合旨，咸坐罰。未傳旨南，給事中葉良致仕。尚書楊守隨並為民仍罰。未傳旨南，刑部尚書王洪、右都御史張憲、大理卿吳富致仕。南戶部尚書儲瓊病煇，截江西解額五十名已仕者不許除京職，亦葉萬劾，斬城之除京職者籍前尚書秦紘家。二月，兵部尚書曹元改吏部，蕪文淵閣大學士召南，吏部尚書劉忠蕪學。

士管誥勅罰真人張彥順米一千石禁其家不得豫符籙
連廣東奏議具廷舉詔獄荷校成之四川盜藍伍入陝西
掠湖廣三月考察各道御史降調略盡改各部主事為心
京師早風霾大學士東陽疏請寬政弭災免各處漕糧五
百五十餘萬賊劉耿藍伍康麻子等楷號設官榛南贛巡
視都御史王哲致仕尚書周經卒以洪鍾總制湖廣陝西
河南四川賑荒捕盜

夏四月給事中郝護覈榆林功次慮不稱旨自經公署慶
府安化王寘鑑以劉謹為名指清君側必爭憂殺鎮巡守
臣擅封拜起神英封涇陽伯充總兵官太監張永為總督

討之未至。遊擊將軍仇鉞襲執寔。事定。敗鹵莊浪及遼東大同。巡撫王綸逮獄。為民大理寺評事羅橋與禠直言。時改。教職五月。免端午宴。討湖廣賊劉惟華等。敗績。指揮鄧冕元。之封大能仁寺。又大慶善寺。那小堅。參星吉班丹等為法王及國師。佛子禪師。左右覺義都綱。上自命曰。大慶法王。因鑄大慶法王。四天覺道。圓明自在。大定慧佛金印。燕給誥命。鑄印曰。天一定。巡按御史不得侵習學事。大學士焦芳與尚書張綏不協。劉瑾亦厭之。芳遂致仕。南工部尚書俞俊致仕。劉宇展祭還朝。仍予致仕。致仕少師馬文升卒。

秋七月。討柳永孫賊。破之。惠潮賊林貴及馮賊平。却爾并
肅。御史陳茂烈。以便養。改本縣。晉江教諭。許毋終原職。起
用。擒斬湖廣賊楊清丘仁等。平之。賊藍廷瑞。破通江。合鄆。本
怒。蔓漢中。都御史林俊。敗走之。擒其黨康惠。八月。太監張
永。至自安化。上戎服。受異鐔之俘。永夜發。劉瑾不道。十七
事。上親執之。籍其家。得木甲弓弩。上怒。付獄。下廷議。誅之。
收其黨吏部尚書張綬。及掌錦衣衛鎮撫司兩指揮使楊
玉石。文義於獄。點大學士劉宇。曹元。及廷黨二十六人。又
焦芳以下數十人。分別處治。芳與子侍讀黃中。奪爵為民。
允瑾所更置。予奪者。悉後故。復革寧王宸濠護衛。以慶王

台滋屈身逆鑑。草護衛。祿米三之二。侍郎韓禮成。遣致仕。吏部尚書許進平。起梁儲及諸翰林官於南京。改禮部尚書。劉機於吏部。台楊一清為戶部尚書。後設各省巡撫。九月。錄安化功。加張永歲祿。封永兄富泰。安伯。弟容定。安伯。仇鉞。封威寧伯。總兵寧夏。後陳熊。平江伯。賜義子錦衣衛同知武德。姓朱為永壽伯。太監谷大用。弟大祀為永清伯。馬永成。兄山平。涼伯。親彬。弟英。鎮安伯。各祿一千。皆世襲。自內。皆。廕。李秉陽。楊廷和。子各一人。尚寶司丞。楊一清。子一人。中書舍人。安慶。寧國。太平。大水。溺死者二萬三千餘人。死事。指揮楊忠。李廣。百戶張欽。贈級。改祭。梁儲。劉忠。俱。

燕文淵閣大學士南石通政使王雲鳳致仕禮部尚書白
鉞燕學士晉誥勅瑾兄已故都督同知景祥有旨劄棺焚
屍工部尚書畢亨罷歸以李燧代之起二年以來貶謫官
尚書李傑等五十三人嚮用陞禮部左侍郎費宏為本部
尚書神與涇陽伯故以賄瑾得革之御史張芹疏劾李東
陽冒膺恩蔭不報內侍谷大用兩疏辭免西廠鞫事報聞
時帝以訛言欲復設西廠內閣東陽諫止以誅逆瑾詔布
告天下

冬十月姚江賊汪澄三王浩八等款復叛破安仁縣復劉
大夏揚守隨林瀚韓文許進等原官鞫實鐫削盡焚其屍

何錦等伏誅。張綵死於獄。剗屍。籍沒錦衣石文義。凌遲斬。逆瑾親屬傑等十五人。釋霸州賊劉辰圻等三十四人。罪。彘叛去。起侍郎儲璿於戶部。十一月起祭酒章懋。南太常寺卿。免租。蘇州賑州總制尚書洪鍾勳賊報捷。致仕侍郎謝鐸卒。十二月。四川賊曾弼等流陷江津。殺僉事吳景。僉事郝綰被執。盜入呂梁官署。榜笞劫掠。吏刑二部尚書劉機劾璟致仕。太監喬忠等織造南京。許帶長蘆鹽引。傳陸指揮使朱亭馬鉞等掌錦衣鎮撫事。給番僧度牒三萬。漢僧道各五千。以廣番教。太監張永欲矯瑾奪替之罪。以窮若魚菜四字為題。東陽及廷和等各賦詩以獻。陸廬陵知

縣王守仁為南京刑部主事。前吏部尚書許進卒。

正德六年辛未春正月改楊一清吏部尚書。喬宇南禮部尚書。藍鄙賊陷營山。殺僉事王源等。詔內官十人分出鎮守備。自丙寅二月戶部侍郎儲權致仕。益豹房寺觀閣。臣東陽等疏諫不報。巡撫林俊破四川賊斬首曹甫等。起左都御史陳金。總江西軍務。賊汪澄三等陷安仁。指揮養勳通判梁奎死。時畿甸及青萊徐淮江西福建盜賊俱起。吏部尚書楊一清薦雲南副使吳廷舉。三月庚吉士許成名與一甲楊慎。余本鄒守益三人讀書太學。霸州賊劉寵行劉晨齊彥明等流劫山東。殺京營指揮六人。起李夢陽

江西提學副使以戚臣惠安伯張偉為總兵官陞馬中錫
右都御史為提督發京兵討河南山東北直隸諸賊賊橫
甚萊蕪知縣熊臻主簿韓唐死之據樂安犯闕里入孔廟
禮拜而去轉入大名真定劫彰德入天津等處百戶張世
棟死之己山東報捷敗賊應山江西賊入新淦萬安新喻
諸縣治太監康堂及其弟錦衣指揮鵬罪尋請復職
夏四月刑部員外宿進疏察瑾黨之在內侍者上怒杖進
賢為民戶部主事王崇慶疏赦并詔獄降外驛丞卷將李
瑾敗賊李龍於青城賊連破諸邑至平度指揮張陞知事
杜德銘死之大學士劉忠致仕五月致仕兵部尚書劉大

夏卒。謚忠宣。貴州苗叛。以監賊免。各處歲辦軍需。命總制
洪鍾合巡撫林俊討賊。四川川賊連陷州縣。殺茂州知州
汪鳳翔。入劍州。判官羅明等力禦被害。以何鑑代王。厥為
兵部尚書。故致仕。濟縣知縣陳滯逐賊太行山。擒首官太
保。伏誅。山東賊蔓及湖廣。江西南。五月。敗角延綏。山
西賊李華與劉寵合。破沁水。東。強陷。知州段夢珩之。四川
流賊入貴州。給事中陳昂以發廖鵬子中式。鎗冒籍。反為
所中。削職。河南按察使彭澤擢僉都御史。陳盜情三事。陞
禦賊有功。剡城知縣唐龍。濟縣陳滯。魯縣署印知事楊謙。
各二級。賊揚席抄故城等縣。入文安。與劉寵合。文安生員。

趙燧降賊為賊指畫華林賊陳福一破瑞州府川賊藍廷
瑞被圍漢中乞還川聽撫山東雷化即墨武城濟陽諸縣
皆陷臧賢以疾求退上勉之陸為奉饗河南賊入湖廣
江西連破州縣

秋七月以兵荒免河南等處稅糧官軍禦賊臨江敗績以
討賊無功詰問張偉馮甲錫及巡撫蕭珊李貢邊憲王景
等八月馮甲錫奏劉寵劉辰楊虎李施等四十二人求降
令押赴軍前桂自律已復叛去左僉都御史陸完與伏羌
伯毛銳督邊兵討賊太監谷大用總其軍川賊藍鄢等窮
偽就款令永順土舍彭世麟偽與從親擒之即其地梟示

唯康麻子惠遁去。加洪鍾太子太保林俊右都御史侍郎
章懋致仕。賊至固安。近霸州。京師戒嚴。諸將分兵禦。未却
鹵柳條灣。破賊天津。召張偉馬中錫等回京。下獄。中錫死
獄。張偉半加爵祿米。以陸完節制諸軍。九月。流賊分為六
廣。西懷賀等縣。擄賊平。賊圍滄州。不克。復入山東。連破諸
縣。陞陳天祥。僉都御史。天津捕賊。賊楊虎等破威縣。新河
劉寵等破日照等十餘城。廣福流賊入江西。卷改趙士賢
被執。贖歸。復流入湖廣。馮禎破賊於阜城。卻永破賊於棗
強。復與許泰破賊於卷。老集及薛官屯。川賊餘黨復自陝
西流入寧鄉。沔等州縣。扶風知縣孫璽死。之再陷棊江等

處廣東福建流賊入江西破州縣

冬十月南京吏部尚書張濬等合疏言儲位久虛請選立太子不報尋被劾留濬餘皆黜降劉寵等攻濟寧焚運艘千二百執主事王寵釋婦贛州士民何積玉誘執廣賊張仕錦誅之鹵入大同犯山丹井州涼州皆敗去寇宣府守備趙瑛戰死山西婦如死賊被擒者三十人十一月以京師地連震下詔脩省致仕尚書呂鍾牟賊揚席破宿遷執知府劉祥知縣陳伯安尋釋歸以東關倉當義子求壽伯朱德起私第戶部尚書孫交諫不聽十二月陸完督諸將破賊於維縣陸完右都御史馮禎卻來都督僉事許泰署都

督僉事以樂陵知縣許遠禦賊功擢脩兵武定州以尚書
費宏兼文淵閣大學士侍郎傅珪為禮部尚書加吏部尚
書楊一清少保加兵部尚書何鑑太子太保賊入河南僭
稱總督元帥相戒毋妄殺為牌帖約官吏勿避已而楊虎
改溺死趙燧復推其黨劉惠為首破舞陽釋囚囚有僧德
靜者偽稱唐王宮人子殺之將以為質破葉及襄城僉事
孫磐使人招之燧復書曰群奸在朝舞弄精神禍亂海內
誅殺諫臣屏斥元老乞皇上獨斷梟群奸之首以謝天下
隨斬臣首以謝群奸賊有掠縣令妻孥者燧輒殺之破裕
州殺都指揮唐濟及衆數千人唐王使人謂曰德靜非吾

子任汝為之攻唐不能破走。去伏羗伯毛銳駐河南太監
谷大用右都御史陸完駐畿南仍勒各鎮協勦連破賊蒙
城賊入沁陽恨前大學士焦芳發其地塚焚之取芳衣冠
被庖樹數其惡而斬之。三均外以尚書馬文升蒙石城釋
不攻去之贈死事上蔡知縣霍恩西平知縣王佐裕州同
知柳采登州通判卽章萊陽縣丞陳翰長山典史李暹等
俱加級蔭一子南尚書李瀚致仕番僧請禮部傳珪伴曰
誰為大慶法王者敢與至尊並稱大不敬所請不與
正德七年壬申春正月賊酋井肅賊犯霸州京師復戒嚴
陷大成殺知縣張汝舟主簿周鈐及臨城主簿張俊拒之

遇害伏羌伯毛脫戰不利微還川賊麻六兒流川東副使
馮傑禦之於滄溪死之巡撫林俊敗賊方肆於江津前少
師吏部尚書馬文升卒贈太師諡端肅遣太監陸釗以監
鎗出督諸軍時莫敢諫尚書傅珪獨奮曰今師老民疲祇
以冒功者多致失如心禍且及宗社矣諸公唯唯將何
待乎明日聞赴軍內傅珪致仕南昌知府李承勛會副使周
憲破賊於華林二月勅副都御史彭澤延寧伯仇誠督兵
討賊河南賊掠利津殺都指揮周琮犯萊州殺指揮僉事
蔡顯於是卻永進敗賊李龍劉寵於陳村店於宋家莊三
月令運船各取一人禦賊賊連陷梁山睢寧蕭碭等縣主

簿時完金聲、丘紳等死之。賊敗河南副總兵陳暉，遂北。滕
嶧大破之。副總兵時源、馮禎等復敗之於西平。賊走連、臨
州縣，圍河南馮禎死之。攻夏邑縣，並安宣死之。江西參政
吳廷舉敗賊連河寨，廣西破賊梧州。吏部尚書楊一清疏
曰：「今日鴻臚、欽天、太醫、中書、錦衣、鎮撫、諸傳陞、公陞及營
繕、文思院、皮作局等衙門，大使、副使、冠帶、匠官、文華、仁智
二殿、御用、監事、官員、監生、儒士，動以數千計。高者或至列
卿。其他較尉軍職，不可勝計。僧道錄司，號稱國師，真人法
王、佛子者，出入禁闥，供饋之盛，擬於上侯。今水旱相仍，盜
賊充斥，師疲而餉絕，民困而歛煩。幸大奮乾綱，速賜裁減。」

上特命退五人餘如故賜故西天佛子捨刺星吉祭塋

夏四月分賑

歲山東破

因陝西賊楊席自河南入山西殘破

二十州縣參將王呆遇賊蒙村死之五月巡撫陸完分諸

將邀破賊寵晨於登萊賊西奔追至淮河賊易服遁去掠

羅山縣主簿王續宗死之賊劇憲自遂平趨戒臯彭澤令

求順宣慰使彭明輔等以土軍追擊敗之追奔六安光山

羅田等處連捷斬溺幾萬人憲兵潰卽經死久之獲趙燧

檻京師撫州賊王瑛等平吏部尚書一清等上言視朝聽

政經筵日講帝皇常規國家舊典也陛下月不過一二朝

嘗講輒罷而竊聞皆御豹房練兵花苑敲砲之聲震駭城

市。甚非所以示中外。訓來世也。報聞。賊殺總督。濟都御
史馬炳然於夏口。轉劫漢口。指棹滿弼。追敗之河南。賊趨
徐州。總兵劉暉等復敗之。妖賊周景隆別起河南。巡視侍
郎叢蘭擊斬之。衆散。大帽山賊張時旺等就擒。劉寵等兵
敗黃州。赴水死。閏五月。贈死事扶風知縣孫翼光。祿寺少
卿會事許達。敗賊於高苑。四川賊首方肆伏誅。川賊廖麻
子奔東流。劉晨自九江東下。彭澤陸完夫擊之。六月。涼州
兵被禽。

秋七月。免谷大用。西徽辦事。八月。御史周廣奏劾朱寧。坐
降驛丞。戶部主事曾視疏放。屬之降通判。江西副使周憲

討賊敗績。死之。餘干賊平。起王雲鳳。僉都御史。巡撫
宣府。總督陸完。逐劉晨。齊彥名於通州之狼山城之。
九月。破。爾。西。寧。江。西。總。督。陳。金。斬。華。林。賊。首。羅。光。權。
等。加。太。子。少。保。召。四。川。總。督。尚。書。洪。鍾。還。陸。彭。澤。
右。都。御。史。代。之。平。流。賊。功。封。太。監。谷。大。用。弟。大。寬。
為。高。平。伯。陸。閻。弟。永。鎮。平。伯。世。襲。咸。寧。伯。仇。敏。進。封。侯。陸。
完。陞。右。都。御。史。與。彭。澤。俱。太。子。少。保。兵。部。尚。書。何。鑑。加。太。
子。太。保。俱。廕。一。子。世。襲。百。戶。其。餘。內。官。增。祿。米。廕。其。弟。姪。
錦。衣。指。揮。使。凡。冒。功。陞。授。者。至。千。餘。人。閣。臣。東。陽。迂。和。儲。
宏。各。廕。一。子。錦。衣。千。戶。周。辭。許。之。義。子。數。百。皆。賜。國。姓。永。

壽伯朱德都督朱寧朱安為最寵。其次朱國朱福朱剛並
至都督皆世襲錦衣衛指揮使大率中官廝養市井傑黠
偶悅上心遂蒙收賜而朱採等五人皆來自亡國得幸於
上云採賊魁趙燧等六人皮以為鞍轡騎乘之餘三十人
皆縻於市

於十月陸完還掌院事十一月增蓋豹房及修造大慈恩
寺工部累諫不聽益兵計川賊廖麻子命營軍邊軍互換
操練京師閣臣東陽等力諫不聽內旨行大同遊擊汪彬
遂得棄於上司禮監張永調御用監閻住十二月賊廖麻
子連破綿竹諸縣指揮殷輔死之總制尚書洪鍾吏部侍

即羅紀、大學士李東陽、咸致仕。山西妖賊李任作亂，任有幻術，令人照水，輒得冠服狀，衆惑之。從者數萬，事敗，其黨伏法。任竟遁去。致仕吏部尚書兼都御史屠濬卒。

正德八年癸酉春正月，建延壽僧堂佛殿於西內。江西賊王浩八叛，復叛。劫上饒諸州縣，以右副都御史俞諫代陳金討之。擒浩八等伏誅。還同劉瑄募軍功，傳改錦衣指揮僉事，以降鹵脫心太等充御馬監勇士。兵部諫不能，因寇大同。江西姚源賊熾，參政吳廷舉單身入撫賊，劫以死。不為動。賦詩自解，卒。賄其謀動者死，執首自贖。二月，川賊廖麻子惠降，傳附封賞者不可勝數。嗣封谷大用、弟大亮、求

清伯贈萊蕪死事知縣熊騰光祿寺丞主簿韓塘本縣知
縣歷一失主旌善亭九子節死事都碑之三月御火孟洋
論大學士梁儲當去位新貴不當入閣坐降教授角一再
入大同以太平倉為鎮國府居宣府軍工部曰此地屬乾
乾天門也上曰乾門宜闢其如故康麻子後叛遣巡撫高
宗熙尋卒

夏四月雲南叛首那代伏誅康麻子兵敗獲斬之五月御
史賀春言賜死非制降推官角入山西大掠賊敗開化請
撫移曲阜縣治就關野并為一城贈死事御史任賢太
僕少卿給事中潘瓊奏寔果江彬知殺平民不問戶部禮

部尚書孫交傳陸致仕平蒙自土舍祿祥之亂賜死知
縣唐天恩光祿少卿及致仕縣丞曾基主簿那祥等陞王
瓊工部尚書劉春禮部尚書

秋七月南京侍郎儲懽卒巡撫林廷選討廣西賊李道實
平之八月擒姚源賊首劉品等於玉山餘賊改瑞金知縣
萬琛死之贈官廕子鹵入薊州寧夏遼東賜都指揮江彬
國姓玉皇莊五所

冬十月萬年縣賊新民撫復叛殺副使李情等來鄉賊平
鹵入寧夏遼東開原十一月兵部尚書何鑑致仕陸完代
之兼督團營塔葬瀝頂大國師也舍窩廷臣諫不聽曰著

為令十二月。追贈誠意伯劉基。太師諡文成。宋濂諡文憲。
宋訥諡文恪。以都御史馬吳。巡撫四川。國姓都督朱亨。掌
錦衣衛事。時。西。比。創。立。大。善。殿。番。僧。出。入。其。中。金。銀。鑄。像。
彘。鬼。淫。褻。之。狀。鉅。細。不。下。千。百。餘。金。函。玉。匣。所。藏。貯。名。為。
佛。骨。佛。頭。佛。牙。之。類。枯。朽。摧。裂。奇。麗。鬼。偶。亦。不。下。千。百。片。
正德九年甲戌春正月。南。科。道。初。亮。玉。宸。濂。諸。不。法。不。報。
叛。當。參。濂。餘。黨。覃。思。後。叛。乾。清。宮。災。先。是。元。夕。歲。張。燈。費。
數。萬。計。至。是。以。寧。王。所。獻。倍。華。麗。火。不。戒。上。見。大。焰。戲。曰。
燒。棚。閣。臣。廷。和。等。跪。脩。為。給。事。中。呂。經。上。言。陛。下。金。正。宮。
而。處。豹。房。忽。儲。貳。而。蓋。義。子。疎。儒。臣。而。睽。養。僧。弃。文。德。而。

寵。邊。帥。忽。朝。政。而。開。酒。店。信。童。監。而。酷。宴。遊。天。心。赫。怒。顯。
示。譴。告。同。官。石。天。桂。復。言。朝。儀。濶。絕。君。臣。睽。隔。廟。祭。率。由。
遣。代。兩。宮。乘。輿。至。外。列。皇。店。加。張。酒。肆。寵。信。蓄。僂。招。集。
邊。軍。或。容。結。為。弟。弟。或。縱。禁。中。乘。馬。宴。飲。無。復。尊。卑。膳。食。
不。計。冷。煖。數。雜。浹。宮。驅。馳。於。外。有。時。侍。衛。之。臣。不。知。所。在。
甚。非。所。以。為。宗。社。長。久。計。也。不。報。御。史。劉。天。和。王。廷。相。忤。
太。監。廖。堂。下。獄。謫。縣。丞。二。月。廷。臣。請。攝。宗。室。親。賢。入。京。不。
報。上。徹。服。夜。行。數。至。教。坊。司。寔。滿。以。尚。書。靳。黃。文。淵。閣。
大。學。士。陞。王。珣。僉。都。御。史。巡。撫。山。西。侍。郎。學。士。蔣。冕。晉。誥。
勅。四。川。賊。喻。思。偉。即。翁。平。三。月。贈。知。事。夏。邑。縣。丞。安。宣。為。

通判。廕子擊斬臨川賊首陳致談、懿昌等。及姚源賊梅憲三等。戶部員外黃體行疏母。子夫妻大倫。勿忽坐。安引兩宮。點為氏。江西副使吳世寧疏論寧藩不法。報聞。兵部尚書劉機致仕。

夏四月。旱。寧王宸濠陰結臧賢。乞原草護衛。及屯田閣臣費宏。爭之。言官交章論奏。閣臣廷和為栗。旨上。勅宏罷歸。宏從弟編脩家亦附。批致仕。以四川功加彭澤左都御史。太子太保。五月。副使李夢陽閔任。土魯番後據哈密。以都御史彭澤總督井肅。經略哈密。酋入宣府。入西海子。六月。江西大池賊張元二。貴州賊鄧先。皆平。工部主事韓邦靖

疏前後因言獲罪者幸賜召用下錦衣獄點為民詔
自今言事黜謫者勿叙

秋七月商洛盜起宣大鹵營近邊寇白羊石及浮
屠峪太監張永都御史葉蘭都督白玉總經營
禦之以汪西功加俞諫右都御史陸完太子太保
八月吏部主事梁穀妄言其鄉魯府歸善王嘗
汪不軌以兵出無寔姑廢當汪為庶人幽高牆汪
寃觸牆死穀坐誣尋贖還職鹵入寧武關大掠州縣殺
指揮陳經九月鹵九萬騎掠萬全等處三萬騎入平鹵城
總兵白玉投毒委鹵以食之多死伏起却之上創為鹽宮以齎

他遊幸。率居之上。搏席。被傷。編修王恩疏諫。請三河驛丞
漕運右都御史張縉加南戶部尚書。致仕。雲南十八寨叛
賊平。禁中練兵。以太監張忠許泰領東西廳。神周劉暉領
勇士營。皆賜國姓。四鎮兵號外。家。江彬。燕。統之上。自領
中官善騎射者為中軍。彬數為上言。邊上樂。上大造刀銃
甲箭。將遊幸焉。

冬十月。刑部主事李中樞言。異端惑志。以致政事。而廢又
科。臣張原亦以直言時政。並請降驛丞。贈死事靈壁主簿
蔣賢為知縣。廢。致仕。南戶部尚書雍泰卒。太宰許進曰。
吾至關。西遙見二高一。為華嶽。一為雍州。隆也。十一月。自

入花馬池。卷將尹清戰死。南工部尚書林廷選致仕。廣西
蒼梧賊殺指揮李鎮等。建乾清坤寧宮。十二月，戶部侍郎
馮清奏陝西邊糧皆改徵折色。諸太監出鎮為守備。為採
珠為布船。其管營者指揮以下得軍法從事。

正德十年乙亥春正月，兵科給事中良佐奏郊廟朝賀失
時。不夙則暮，而司晨報刻猶依例。大乖禮制，不報。酋入潮
河川及延綏寧夏，贈死事嘉祥王簿。李錫為知縣。蔭子二
月，節烈五十六人皆死於賊者，列名旌善亭。三月，大學士
楊廷和憂歸。訛言選女入宮，民間女率倉皇非禮而嫁。時
上習番經，被番僧服法王緋吉我些。見虫入豹房，祭廁

權貂因請給其後領占緡節見國師誥命禮部尚書劉春執
不。可。詔。與。誥。命。免。入。番。熬。設。廣。茶。主。事。戴。冠。言。朝。改。三。事。
降。驛。五。

夏四月、慶陽伯夏儒卒、儒以外戚、翼。畏。法。阿。度。蕭。然。致
仕、尚書傅珪卒、江西副使吳世寧為寧玉所劾、自歸臺獄、
詔送鎮撫司、御史徐文華疏救、不聽、成之、陞南司業魯鐸
為南祭酒、閏四月、吏部尚書楊一清、兼武英殿大學士、督
漕、右都御史陶琰、南兵部尚書張濂、致仕、改陞完吏部尚
書、却爾延綏、尋再入、改王瓊兵部尚書、南右都御史熊繡
卒、五月、陞石玠戶部尚書、改詹宇南兵部尚書、預叅贊、六

月川賊雷伯友伏誅。朶顏內侵，署都督僉事桂勇、葉之總督彭澤冒奏土番復歸哈密城池事，不果。駕自西安門出，經宿而還。閣臣梁儲等劾諫，不報。雲南安撫綿捧作亂，擒之，獄死。

秋七月，斬銅仁亂苗醴源賊徐九鼈等，平破爾其肅。尋敗績於固原。陞毛紀禮部尚書。八月，御史張經劾太監于喜，坐下獄。上信西域有知三生者，名為活佛，命太監劉先往，送番供，便迎之，勅以十年往。迓大學士梁儲等諫勿遣，不聽。帝多蓄畫眉，光祿僉上食子鵝頭數千，寺卿楊瑋以浪費請減，帝

怒。台。瑋。瑋。服。白。布。褶。跪。午。門。遂。傳。旨。降。二。級。瀘。
州。知。州。九。月。鹵。大。入。陝。西。連。寇。隴。岷。等。處。土。民。入。
水。柱。突。中。全。活。者。數。十。萬。浙。江。左。布。政。使。方。良。
永。疏。劾。朱。寧。鬻。鈔。乞。正。典。刑。寧。贖。貨。帝。以。鈔。三。
萬。責。償。三。倍。所。在。不。堪。疏。入。寧。懼。以。原。責。還。民。索。鈔。
良。永。遂。乞。休。避。禍。

冬。十。月。張。鶴。齡。家。奴。租。玉。誣。告。鶴。齡。兄。弟。謀。不。軌。免。其。朝。
參。王。尋。自。殺。事。寢。陞。孫。燧。為。副。都。御。史。巡。撫。江。西。十。一。月。
自。入。宣。布。雲。中。及。渾。源。應。州。等。處。淮。王。祐。祀。殺。長。史。莊。典。
勅。戒。之。

正德十一年丙子春正月御史程啟充上言正旦令節文武百官及蠻夷使臣待漏入賀迨酉禮成迨散朝夜戌矣榜腹奔命蹂躪多歸將軍趙朗竟死禁門其他小臣失簪裂裳至以得生為慶殊非盛世朝儀今郊祀在邇勿再失期不報贖死事韶州府同知韓銑知府廢子以王守仁為僉都御史巡撫南贛等處二月塩法僉都御史王雲鳳病歸馬昂獻有娠女弟陞昂右都督昂妹色殊善騎射解胡樂達語江彬以聞上乃嬖焉內侍稱昂男氏男氏家無大小皆賜蟒衣上降體削菓與共坐起言官呂經張淮合諫不報他日上從數騎過昂飲酒酣昂姬不應上怒起昂

妹亦疎。敗亦不刺。殘寇南京六科會奏鎮守太監于喜市
舶太監崔瑤咸不法。巡按御史張經亦言之。詔知府翟唐
即勘。坐不寔。經曰。陛下置喜瑤不問。而獨逮治經。唐何以
服天下。不報。上將作離宮於宣府。備臨幸。御史盧雍疏諫
不報。

夏四月。寧王宸濠營別院侈麗。上為賜名陽春。大學士梁
儲請擇藩屬之賢者入京師。以憑選建。不報。五月。賑河南
飢。收自宮界子三千四百餘人充海戶。追贈陳選光祿寺
卿。謚恭愍。致仕兵部尚書劉大夏卒。平原縣妖人胡文智
伏誅。安南國王黎暉為其臣陳嵩所弑。無嗣。國人推立其

兄子黎諲偽改元光紹。曷子采遂極諒。山自玉亦改偽元天。應時江彬益與張忠、盧明、秦用、蕭敬等及優人臧賢表裏弄權。為奸利。諸司章奏多阻不得上。而諸奸寵率出彬下。帝宿豹房。彬同卧起。練兵西內。鏡砲之聲不絕於耳。或時為角觝之戲。帝戎服臨之。彬又道帝竊出遊獵近郊。

秋七月。沛縣知縣胡守約以夫後違忤。織造大監宣遇勒為民出。胡世寧於獄。戍之。鹵入白羊口。及清河。收秦山元君香稅。八月。大閱取太僕馬二萬。致仕大學士李東陽卒。贈太師。謚文正。鹵大入宣府。與戰不利。促京營赴之。擒叛人猴兒李。尚書蔣冕、蕪文淵、閣大學士。九月。鹵犯龍門所。上

猶縣賊謝知山作亂殺贛縣主簿吳玘奸民朱大國疏劾
大學士楊一清一清致仕降御史張經為典史進討棘蠻
之亂禮部尚書毛紀兼學士嘗誥勅岐山賊魏景暘平
冬十月致仕尚書屠濬預佐卒御史徐文華上言太廟禮
儀忤旨黜為民鹵入遼東敗去僉事韓邦奇忤太監王堂
黜為民十一月湖賊賀章等就擒賜祭都御史馬中錫給
事中徐之鑾請罷京師新設花酒店房不報十二月終養
御史陳茂烈平樹坊表宅致歲祭以修理象房工竣賞左
都督朱寧工部尚書李鏊侍郎以劉愷李浩為禮部尚書
張昱為鴻臚寺卿魏境為鴻臚寺左少卿自內旨降吏科

都給事中呂經禮科給事中潘墳各一級調外自內肯言
官論奏用舍違宜爵賞太濫貪污竊位奔競肆行尚書以
傳奉而驟獲卿相以乞憐而苟安銓曹失職甚矣功以冒
濫邊備廢弛黨逆者得襲官失機者得倖免推舉悉由風
旨是非不卹人言本兵廢墜極矣不報土魯番復占據哈
密縱兵犯肅州遊擊將軍為寧敗沒兵備副使陳九疇拒
却之

正德十二年丁丑春正月郊遂幸兩海子觀獵夜半入城
行慶成禮明日以所獵賜群臣大計祭知府張龍孫連內
旨留之言官再劾不聽連山縣野火延入城焚公私廨舍

幾盡二月、爾八宣府大掠、織造袍服於陝西、科臣保忠疏
諫不報、以都察院彭澤提督三邊、爾入開原、叅將孫棠太
監王秋等追至、創忽兒河斬首八十六級
夏四月、大學士斯貴以科場事再被劾、致仕、破土魯苗於
瓜州、五月、叙州、隸蠻平、尚書七紀、兼東閣大學士、寧府典
寶、閩順典膳、陳宣及內使劉良告王宸濠陰謀、下錦衣獄
杖、發孝陵、淨軍、上微行至石經山寺、陽峪山、玉泉亭、數日
乃還、高牆度人聰、擯逸獄、執之、寧州盜起、官軍敗績、柳桂
峒賊龔福全作亂、討之、始權進貢番船、六月、左都御史彭
澤坐擅命起爨、病歸、召大學士楊廷和還京、許泰、張洪皆

賜國姓。南靖賊唐師府平尚書李遜學兼學士。嘗誥勅秦
府請益地。上令閣臣草勅。梁儲輒具草。危言之。得寢。
秋七月。享太廟。令會昌侯代上。馳幸南海子。從近嬖數人。
群臣羅跪。海子門請還。蹕不聽。八月甲辰朔。上微服從德
勝門幸昌平。欲出居庸關。上御史張欽。兵而立關門。擲
三抗章。大學士梁儲。蔣冕。毛純。迫請還蹕。於沙河不納。上
不得出關。乃東轉通州。循南海子而還。夜視朝。梁儲等再
請。擇宗賢司內殿。不報。總督王守仁斬大庾賊陳曰能等。
復平左。溪蠻。建彛。納款。祭酒魯鐸致仕。丙寅。上復夜出德
勝門。潛越居庸。曰。張御史亦知朕居庸關外乎。還幸宣府。

江彬營鎮國府第以居上輦豹房所貯諸珍玩及巡遊所
收婦女貯其中上安之帝曰家裏儲蓄力請還蹕不報九
月移蹕陽和城自號總督軍務威武大將軍總兵官行印
信均帖丁酉萬壽聖節群臣朝服遙賀鹵屯五萬騎於玉
林將入寇詔諸軍分守要害獵陽和大雨電士有死者以
帑金百萬勞軍遂有星隕之異幸大同鹵分遁而下諸軍
禦之

冬十月上駐順聖川總兵王勳等戰鹵德州城北復大戰
潤子村上率太監張永魏彬張忠等來援衆殊死戰鹵稍
却上壘其處鹵來攻壘百戰鹵退遂北會大風霧晝晦而

還。復犯暖泉溝及玉林。分兵按伏以待。南東科給事中
孫懋。疏乞急除奸惡。以安宗社。有曰。容一江彬。國之安危
未可知也。不省。十一月。上駐蹕大同。還至宣府。冬至。群臣
朝。虛位。班行。亂。四川叛民。陳保。舍伏誅。孝豐賊。湯毛。九平。
廩。死。事。副使。馮傑。子。百戶。四川。重平。南京。大風。援。孝陵。樹
二百餘。斬。睢陽。盜。張銳。等。十二月。諸大臣至。君庸請。駕。有
禁。不得出關。乃還。閏。十二月。上迎春。宣府。錄。樵州。禦。爾。功。
太監。張。永。谷。大用。而下。加。歲。祿。末。廩。弟。姪。一人。錦衣。衛。官。
有。差。得。預。陞。賞。者。五。萬。六。千。四。百。四。十。九。人。兵。部。議。減。上。
執。如。初。議。

正德十三年戊寅春正月上在宣府群臣於奉天門行禮
破鹵遠東提督王守仁誅賊首池大鬣搗其巢丙午上還
自宣府次懷來迎駕者定稱威武大將軍不得稱臣上誇
斬鹵首一於榆河皆叩首賀己而各賀文武百官賜銀牌
以品差三品以上鑄曰慶功下曰賞功組貫朱青異唯翰
林官不賀亦無賜是日上單騎出德勝門復如宣府從駕
者四人閣臣廷和等諫不聽二月太皇太后崩上至自
宣府乃發喪謚曰孝貞純皇后御史董相張世隆薛
完王相等主事鄭懋德林桂等咸以忤權寵詔獄外調
上輕騎出視大行皇太后山陵給事中石天柱進血疏

以諫不納調外三月上至昌平勒致仕左都御史彭澤為
民逮其肅巡撫李昆副使陳九疇於獄貴州苗賊阿傍等
平。

夏四月祭六陵遂幸密雲民訛言駕至俱號匿永平知府

毛思義出教有造言擾民者太守補治之上聞執思義付

錦衣誦邈州京師獲殺人者兵部歸功朱寧加寧歲俸孤

旅三人入居庸關提督谷大用逼自誣鹵間以功加大用

歲俸復幸喜峯關過涿河大理寺卿陳恪卒五月駕出口

外獵於古北漁於灤撒觀海於泊河觀漁於佛住山致原

顏三衛彞納質宴勞禪縛御史劉士元之失意近侍者於

行在軍門、束楊鞭之、并知縣曹俊等十餘人、檻京師、群臣
諫不聽、戊申、駕還都、以何景明為陝西督學、副使寧王薈
中朝使行、臣禮、御史范輅請遵祖制、便服稱官、奉饗、戒賢
乞開再四、不許、

秋七月、上諭閣臣、近歲鹵屢犯順、朕必發兵、特命總督軍
務、威武大將軍、總兵官、朱壽統、承六師出邊、攻守其、草、勅
行、壽、上、自、名、也、時、內、閣、楊、廷、和、稱、病、不、出、梁、儲、毛、紀、及、大
臣、科、道、官、泣、諫、左、順、門、不、納、固、屬、儲、草、儲、曰、是、以、臣、名、君
死、不、奉、詔、上、怒、手、劍、督、之、儲、免、別、解、衣、帶、伏、地、流、涕、曰、臣
逆、命、有、罪、願、就、死、勅、不、敢、草、以、之、上、悟、亦、擲、劍、起、時、朱、寧

入寧王宸濠賄欲引其世子司香而江彬又別有所主梁
儲正色曰皇上春秋鼎盛建儲未易輕言兵部尚書王瓊
吏部尚書王鴻儀咸是儲議事遂寢土魯番請和不許上
諭兵部曰威武大將軍朱壽親統六師勦除酋寇聖武神
功宜隆報之其特加公爵諸臣諫不果行瓦刺入貢廣東
剽賊平丙午駕出東安門廷臣知而送者五十三人出居
庸至宣府八月上歷萬全至大同設酒肆券而不價索女
樂於晉府嬖樂人騰妻劉氏贈死事州同鄭寶為知州詹
子賜右都御史韓雍祠額那以其謚褒教云河南盜王泰
等伏誅沿山賊李鎮作亂焚大學士費宏家殺其群從兄

第討平之。辛巳，聖節，群臣於奉天門行遙賀禮。上曰：總督
軍務威武大將軍總兵官朱壽，特加封鎮國公，支祿米五
千石。吏部其如勅。因封左都督朱彬為平南伯，右都督朱
泰為永定伯。各祿米一千石。世襲減租。畿內浙江賑四府善
冬十一月，上渡黃河，駐蹕榆林。至綏德，幸總兵龔欽第，納
欽女。上將幸陝，御史張文明諫，綏德知州吳棟復諫。上供
俱執械京師。十二月，知徐州樊準發進鮮太監王敬私帶
違禁諸物，兵備副使余祐頗袒，準感坐。逮降二級。邊方上
自榆林歷米脂渡河，幸石州、文水、州諸處，駐蹕太原。棘蠻
攻破高慶符二縣，以災傷減稅糧。十二月，棘蠻款復叛。

正德十四年己卯春正月上發太原至宣府辭輦騎負弓劍如稱軍馳風雪中不憊三改郊期二月還京丁丑郊即日獵南苑子如故事有旨南巡獻香東嶽為民造福加威武大稱軍太師銜遣鎮國公牙牌誥券刑部主事汪金照不可者九當戒者一不報大學士廷和繳還居守勅報曰朕將不時巡狩其勿繳獲近郊賊趙祥等論功張忠朱聚王憲各廢子姪一人錦衣百戶卅襲陞賞叅政而下三百八十二人已盜首六人逸獄久乃得之兵部尚書王瓊曰此朱寧功多復增寧歲祿米五千石廢子加一級賜左都督劉暉神周都督僉事李琮國姓三月叛苗入都清等處

殺掠贈死事漳浦縣丞紀鏞本縣知縣詹子傳嘗家將
指揮朱勇等四十七人填錦衣帶俸舍餘一千人充御馬
監勇士丙午六科給事中十三道御史諫南巡不報翌日
鴻臚寺請視朝上曰朕病憊不能朝矣群臣詣左順門問
安時京師傳言寧王宸濠將率道伏甲託迎駕且為亂廷
臣益憂懼兵部郎中黃鞏兵部員外陸震合疏諫不報於
是吏部員外夏良勝禮部主事萬朝太常博士陳九川三
人為一疏翰林院修撰舒芬編修崔相庶吉士汪暉等八
人為一疏兵部郎中孫魯等十六人為一疏刑部郎中陸俸等五
十三人為一疏又明日吏部郎中張衍瑞等十四人為一

疏禮部郎中姜龍等十六人為一疏。醫士徐鏊以醫諫。自為一疏。上大怒曰：朕病未寧，不問視，乃出位妄言，為訕謗。鞏震、良勝、湖九川、鏊俱執送鎮撫司。嚴治之。岑鳳、俸、衍、瑞、龍等一百八人俱罰跪關門五日。自外至百官較監視之。於是行人司副余廷瓚等二十八人復為一疏。上愈怒。命繫鎮撫司。嚴加掠治。明日，大理寺正十人為一疏。又明日，工部主事林大輅等三人為一疏。上怒益甚。命廷瓚等并鞏震、良勝、湖九川、鏊俱更桎。拳跪門五日。廷暴之日足。命繫詔獄。胥後命時京師人情震駭。公卿大臣被唾罵投擲。雜色不敢出入。數日陰霾晝晦。水溢南海子。不了橋高四

尺鉄柱七根齊折如斬金吾都指揮僉事張英肉袒負二囊土伏地端門外號曰觀天告隨駕出必死寧死此恐血汚帝門土掩之遽出袖刀屠其胸衛士急持之得不殊坐妄言宜斬死杖下戶部尚書石玠請寬諸臣罪上怒詰玠自服乃罷戊午杖孫鳳等百七十人於午門并陸倅張衍瑞妻龍舒芬俱調外刑部主事劉較照磨劉珏死杖下夏四月杖輩賈良勝潮九川叙大輅廷瓚鑿於闕下各五十叙大輅廷瓚降三級外補鑿成烟瘴餘為民其餘部寺繼上疏者各杖四十降二級旬日間震廷瓚及工部主事何遵許事林公黻行人唐軾孟暘劉梁李紹賢李惠王翰

等相繼死。福州亂。卒葉元保伏誅。戶部尚書石玠乞休。許之上。親鞫御史張文明於豹房。謫成烟。漳降吳棟。典史五月。南禮部尚書吳儼卒。存郵各處流民。江西地方官報宸濠孝行。試御史蕭淮奏寧王宸濠不軌狀。遣太監賴義駙馬都尉崔元同御史顏頤壽往諭之。六月。義等行未至。宸濠反。殺巡撫都御史孫燧。按察使許達。取南康九江二府。官吏皆遁去。興獻王薨。致仕侍郎羅玘卒。秋七月。宸濠攻安慶。不克。上必親征。反者宸濠。以寧晉伯聚為威武副將軍。趙南京。太監忠提督軍務。左都督暉為平賊將軍。趨江西。令總督軍務威武大將軍總兵官後軍

都督府太師鎮國公朱壽統各鎮邊兵親勦之。群臣復諫不聽。御史陳察獨上一疏奪其俸曰：再言者極刑之。進賢知縣劉源清勒兵守禦，殺濠妃弟伯及通謀人餘千。知縣馬津、龍津驛丞孫天祐皆起義兵拒敵。會總督南贛都御史王守仁與吉安知府伍文定討定濠。平之。八月，安坐河南人劉學孟等為妖言，執之，置極典。稱太監張銳、朱寧功加祿米。陞其子姪官三級。當是時，銳居東廠，寧居錦衣，手自伯朱彬、蕭督之。逮四川巡撫都御史馬昊，定乾清坤寧二宮，礫、勒、廢、有、勞、者、太、監、張、永、而、下、二、十、七、人、兵、臣、則、新、寧、伯、祐、平、南、伯、彬、左、都、督、寧、文、臣、則、大、學、士、廷、和、冕、儲、紀。

兵部尚書瓊工部尚書燧皆得預起用忤宸濠者江西布政使鄭岳副使吳世寧等以楊廷和梁儲不草南巡勅摘他事譴之癸未上發京師使廷和居守儲扈行太監張忠等從奴交通宸濠者臧賢杖戍邊總督朱寧使人殺賢於塗以滅口陞鄧璋南戶部尚書上至涿西太監張忠私第王守仁捷至上不發而決南幸九月至臨清山東諸鎮巡官皆會宴具卓上視笑曰慢我太甚太監黎鑑有所索於有司都御史王珣不可鑑頭觸_翹蓬闈入泣上前上曰都御史何敢辱爾曰必有所求自辱也乙卯至德州不泊適聖壽節從官望拜於河將軍張忠朱聚等使人語都督守仁

宜縱浮鄙。候御凱。守仁不聽。浮授監丞於杭州。
冬十月。群臣以濠送平。請旋師。不聽。至淮安。收通濠。朱
寧于臨清。是時河南山東南京諸文武咸朝行在。江彬矯
旨。酷徵索。徧搜珍玩。冬至節。群臣稱賀。張陽第。致仕尚書
林瀚卒。上徒步入淮安。幸總兵官顧任隆第。瀛記光湖。
十二月。上至揚州。太監吳經先至。矯旨大搜處女寡婦。
得贖者免。至有貞志自殺者。聚獵者大獵城西。括鷹
犬。劉良如諫。乃止。諭明年正月。郊祀於南京。大學士
儲冕等力勸。乃止。閱妓揚州。花粉騰價。責撫按官宴。值
禁民畜猪。犯者戍極邊。以疑國姓故。癸未大閱江。命江彬

攝祭江神。乙酉渡江。丙戌至南京。祭太廟及奉先殿。既下
拜。不能興者良久。傳旨罪人解到。班師回京。其太皇太后
大祥吉祔及覲。察殿試。以次行。撫督張忠等至江西。勦捕
餘黨。搜求羅織。沒貨浩費。五閱月。民不堪命。擢知府任文
定為江西按察使。贛州知府邢均為右叅政。改都御史王
守仁巡撫江西。

正德十五年庚辰春正月。上在南京迎春。備諸戲劇。廣西
兵討彊賊。破之。執太監畢真。劉瑯。都指揮廖鵬。真磔
死。餘斬。鵬死獄。二月。宸濠械至。太常寺請所以供犧牲者。
上曰。陵寢祭祀所從來也。仍用猪。

夏四月。賑淮揚飢。棘。癘。平。五月。巡撫王守仁奏江西大水。自劾四罪。乞罷。報聞。回賊陷沂陽。殺知縣賈鉞。六月。駕微行至牛首山宿衛。諸軍失上所。在夜驚。土魯番入貢。留連檀拜牙不遣。

秋七月。盜劫滄州。十八寨亂。苗。平。八月。廣東蕪峒等處賊平。閏八月。上有游蕪杭泛江浙沂湖湘登武當之意。閣臣儲冕手奏。跪泣行宮門外。自未至酉。最後令中官傳旨曰。已知。即回鑾。二人乃起。詣孝陵辭。乃以大將軍鎮國公鈞帖令王守仁重上捷音。守仁乃約前。跪歸功。太師壽及群小。効命。狀上之。上喜。受江西俘。丁酉。發龍江漁于江口。避。

兩民家夕宿望江樓癸卯登金山歎幸致仕大學士楊一清第一清厚有所獻為詩十章賜之命屬和一清進杯為門闌之歌上大悅取其策府元龜文獻通考二書以去又幸已故大學士靳貴第使番僧統樞誦經三匝九月庚申至寶應復漁汜光湖鎮守官丘得索知府蔣瑤貢物不得鐵索繫瑤從事辛酉至淮安都御史蕭蘭總兵官顧仕隆進賀功金牌花紅錦帳上戎服簪花鼓吹騎入城過山陽縣學取通鑑諸書以出止故尚書金源第丙寅至清江浦漁積水池舟覆而溺起左右呼萬歲龍也上體始不豫免租歲

租歲

南

冬十月上遂通州。執吏部尚書陸完及太監蕭敬、李英等
下獄。李承勳燒謨以副都御史巡撫遼東延綏。胡世寧以
僉都巡撫四州。盡召內閣府部勲戚大臣。赴行在大學士
廷和紀入見。十二月平鹵伯朱彬奏臣隨駕南征奉總督
軍務威武大將軍總兵官後軍都督府太師鎮國公朱壽
指示方略擒捕宸濠及其逆黨十五人乞正典刑。上曰卿
承受方略捕賊無遺。地方安妥。朕甚嘉焉。加彬歲祿米百
石。廕一子錦衣。世襲正千戶。賜宸濠死。焚其屍。甲午。上還
京。大耀軍俘數千人。陳東西輦道。陸完錢寧裸反。死者
竿其首。標白幟。書姓名。彌望數里。上戎服騎而閱正陽門。

下良久分諸傳自東安門經大內出乃補郊初獻嘔血仆
不起齋宮禮不克終踰宿入城行慶成禮免宴手救改兵
部尚書王瓊於吏部女直指揮僉事速黑忒進黑熊納之
正德十六年辛巳春正月上力疾視朝免祖鳳陽陞石琚
禮部尚書掌啓事府改南吏部尚書劉春於禮部管誥勅
以王憲為兵部尚書召南吏部右侍郎羅欽順為吏部左
欽順常論久任超陞宜互為用杖陸完錢寧戎邊癸亥上
在豹房不豫改卜郊古田蠻賊平鹵大入威遠松山等處
寇陝西二月以疾罷朝捕諸妖人段錫劉天錄致仕尚書
石玠卒陝西及廣東清遠四會盜起三月回賊流劫山陝

河南畿內盜起。改西官廳為威武團練營。四川流賊平。行

人張岳疏請大臣待疾。以防意外。上大漸。惟太監陳敬燕

進二人。左右上令。日司禮監違意。皇太后曰。往事多誤。天

下事重。其與輔臣議處。而行崩于豹房。殯大內。慈壽太皇

后命取興獻王長子厚。燂于朝。入嗣。遵遺詔。散豹房。威武

團練營各官軍。其皇店官校軍門辦事官旗校尉各色人

等。俱令還衛。又番僧少林和尚教坊司。非隸故事者。亦皆

罷之。

夏四月。興長子至。不行。勸進禮部。皇帝位。上。大行尊諡九

月。葬康陵。

論曰帝好浮佚乃為諸嬖所借幾危社稷幸所借者徒
 玩無他意耳夫棄至尊而顛為上公冷三宮而
 推之徃辟誠無常性不省酷虐游幸為樂但
 在聲情于是錯濠伺釁馬劉趙波翻反以瑞勢行之
 無所牽掣故得早蹶且也大臣委蛇不生矯激眾正和
 同彌縫已甚而逆瑾而外權不一人陰相互持不啟非
 分而况宮車以晏豹房早歸則昏天之所以成命于
 有周者嗚呼以矣